

Rai: Bible for मर्कुसओ नुयडखान
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



मर्कुसओ नुयडखान

1

१'देकमि निनामछेनओ नुसावानामओ तापुड । २'ओटनि यसैयाह यामाडओ छापलायाकडा छापतानचिनओ याआड, खाडानुम अडका अकटेट याकेनछाजा खानाओ बुसि बुसि छुतडा, खोक्कोआ खानाओ लाम छुमचुम चुवोड, ३'खोक्लिडा कापात्ओ डोसाडला, हाएसिओ लाम छुमचुम मुवानुम, खोनिनओ चुपलाम बिकु मलुत्तानुम। ४'हडसानवा पुमि युहन्ना हुमुकवालेकओ निकि लाछुडमिनओ हडसानवाओ रूमरड मुयाडसा खोक्लिडा दातलुवा । ५'झारा यहुदिया सिडवाड का यरूशलेमओ याकखामि मोचिओया लोननि मता, नड मोकोचिआ आनओ आनओ हुमुकवा देडहुतला चुवाकि मोचि डाडका इताडकु होडकुडा हडसानवा मलोकता । ६'युहन्नाआ देडकोडपाओ मुआओ टिट का छुमायुडा होक्वाओ छकछिनमा छुम्ताओ याआडा, का दोममाक नड खोकलिओ सुडवालेम चासाडा। ७'नड मोचिआ उसओ यिडयाडसा रूमरड मचुवा, 'खोक्को अडकाओ नेतलोक बानमानु, खोनिनओ लाडसुपओ सुछु बोम्तुकि हुत्वो मुरूओ अडका याकनुडा। ८'अडकाआ खानाचिआ चाःवाआ हडसानवा पुउड, मेन खोनिनआ खानाचिआ वाचोड साकोडआ हडसानवा पुमा लिवोड। ९'हान मोलेनडा देकमि गालिलओ नासरत डाडका बानानिन का युहन्ना डाडका इताडकु होडकुडा हडसानवा तारानिन। १०'नड वाडाडका थाडमुसा खोनिनआ सारुङ्गा होडसानचिनओ का साकोडजा कुइवाओ नुरुडडा अहाडपाडडा धायाडसा मुवाओ टोक्तानिन। ११'नड सारुङ्गाडका अकटेट डोसाडला लिसा, 'खाना अडकाओ स्वावा सावाछा तए, खाना सुट्टा अडका सावालैत याकडा। १२'नड साकोडआ खोनिनजा हालेडे राकामाललाकनिन खोक्लिडा खाटटानिन। १३'मन्कि खोनिन खोकलिडा तुकिलेन सुलावा डाडका सुकोडा डोट्याडसा सायारूचि सुट्टा युडानिन, का सारुङ्ग याकेन्हाचिआ खोनिनओ रोपधामवा मचुवाडा। /s देकमिओ ओकओ यापुड /s'हान् युहन्ना लापमाछेक मलिसा नेत्तोक निनाममुओ नुसावानाम् रूमरड मुयाडसा देकमि गालिलडा बानानिन, १५'का लोवानिन, 'मुयाकला लाट्टा लिसाओ याआड, नड निनाममुओ हाडहोन चुकडा ताबानाओ याआड। लाछुडमिन मुवानुम, का नुयडखानडा मकतुम मुवानुम। १६'हान गालिल वाततामओ वाचुक वाचुकखाडे कोनियुडहिडा खोनिनआ शिमोनजा का शिमोनओ बुबु अन्द्रियासजा साजुमाडा चडखावेत वेतनियुडसाओ टोक्तानिन। देनादि मोकोचि वेत्काबा मयाआडा। १७'नड देकनिआ मोकोचिआ लोवानिन अडका खानाचिआ मनाचिओ वेत्काबा मेतवोडा। १८'हाले आन्ओ चडखावेतचि छिराकि मोकोचि खोनिन्ओ देडसि मखारा। १९'अचि हयानि मखारा नेतलोक खोनिनआ जब्दिओ सावाछा याकुब का मोचिओ निछाक युहन्नाजा टोक्तानिन। मोकोचि छड चावासिडा चडखावेत् बोपनियुडसाओ मयाआडा। २०'मोबेन हालेडे खोनिनआ मोकोचिआ बुत्तानिन, का मोकोचि अचुपा जब्दिजा याडसुमिचिओ अकनिनडा चाःवासिडा छिराकि खोनिन्ओ देडसु मवाडा। २१'हाले खोनिनचि कर्फनहुमडा खारानिन, का मोबेन खोनिन् सावाएमलेनडा यायोक्खिमडा वाडनि सालामयड पुसि पुडसानिन। २२'नड मोकोचि खोनिनओ सालामयडडा स्वमराक मडोट्टा देनादि खोनिनआ मोकोचिआ कायडवानआ उसओ माआड मेन कोपरूयुडमिचि उसओ चिनलुमा लिसाडा। २३'मोवाडडाडे मोकोचिओ यायोक्खिमडा असेडअत साकोड लिमाओ अकपाड मना याआडा, मोको उसओ यिडयाडसा पात्तु २४'देकमि नासरी, आनकानजा खानानिन सुट्टा दि चाखाम? दि खानानिन आनकानजा युनला चुसि बानानिनओ ए? अडका खानानिनजा सिनडा, खानानिन् निननममुओ वाचोडहाड लिमा नु। २५'देकमिआ मोसाजा उसओ यिडयाडसा हेन्तानिन, वाडःया युडे, का मोडाडका लोन्टाकि बाने। २६'मन्कि असेडअत साकोडआ मोसाजा सुवालोडथेन मेत्ताकि थिडोसाडलाआ रिखापनि मोडाडका लोन्टाकि ता। २७'नड झारा पाड स्वमराकडा मडोट्टा सेन्मासेन चुसिमलुवा, ओको दि ए ? ओको ना नुडवा सालामयड ए, ओचिआ कोपरूयुड सुट्टा असेडअत् साकोडचिआ छड इडइवा मचुलुक, का मोकोचिआ ओचिओ इडइवा मकाड। २८'नड उसओ लिमुसा खोनिनओ मुनुम गालिलओ झारा यापाकडा खुदाखुदि फेया। २९'हान् खोकोचि यायोक्खिम डाडका लोनमुसा याकुब का युहन्नाओ अकनिनडा शिमोन का अद्रियासओ खिमडा बानानिन। ३०'शिमोनओ छादिमा माआ सारि लिसाओ याआडा का मोकोचिआ खोनिनजा मोबेन डे मोचिओ छापछोडडा ताछुकफेडडा मचुवा। ३१'नड चुकडा तांकि खोनिनआ मोचिआ छुक लाप्ताकि मोचिआ छुट्टका पुलोन्टानिन का माआ मोचिआ छित्तनिलेवा का मोचिआ खोनिनचिओ रोपधामवा मचुवा। ३२'मन्कि नामपुकडा मुनटोड नामलुन्ता हाले मोकोचिआ खोनिनओया तुक्काबाचि का मामाडसुखा वाडाओ झाराजा मबाटटा। ३३'नड झारा तालावाड डे लापटिखोमडा झाराडुम लिसाओ मयाआडा। ३४'नड खोनिनआ ओला माइओ सारिआ दाखासाड मेत्ताओ तुक्काबाचि बदथेकाजा नुसड मेत्तानिन का बड्केका मामाडसुखाचिआ लात्तानिन का मामाडसुखाआ खोनिन्जा सिन्ताओ लिहिडा खोनिनआ मोकोचिआ चेपसि पुमा मानलि। ३५'हान उपमि लिमाबुसि ओडसाडे पोत्तुकि खोनिन हुइया सेनयाडनि खामडा खारानिन का मोडा सोमफोडला मुवानिन। ३६'नड शिमोन का मोचिसुट्टा लिवोचि खोनिनजा खेन्याडसा मखारा। ३७'नड खोनिनजा थिराकि मयिडा, झाराआ खानानिनजा लामनियुडसाओ मयाआड। ३८'मोबेन खोनिनआ मोकोचिआ लोवानिन, 'बानानुम आनकानका खाउ डे चुकडाओ तालावाडचिडा खारडनेन का मोडा छड अडका रूमरड मुम, देनादि ओसाओ निकि डे अडका लोननि ताओ एव। ३९'मन्कि झारा गालिलडा मोकोचिओ यायोक्खिमचिडा रूमरड मुयाडसा का सुलावाजा लात्त्याडसा खोनिन बियानिन । /sसुखेन्वा नुसड लिसाओ /s'मन्कि अकपाड खुखेनवा मोडा ताकि ताछुकफेडला मुवाकि उसओ लोयाडसा लाडतुमफु नेपता, "खानानिन्आ राका मुवानिन लो अडकाजा सेडवानुमा रूमानु। ४१'मोबेन खोनिन्आ सोमनुवाकि आनओ छुकआ मोसाजा नोपतानिन का मोसाजा यिडानिन, 'अडका राका मुडा खाना साडनुवा लिसानुम। ४२'मन्कि हालेडे मोसाओ खुखेन मोडाडका खाछिरा का मोको साडनुवा लिनिलेवा । ४३'नड खोनिनआ मोसाजा चाउक इडइवा पुवाकि हाले छुत्तानिन। ४४'नड मोसाजा लोवानिन, 'खाडानुम, खानाआ ओको साडजा छड मानियडडे मेन खारकि खाना आमहाडपाडे बुबकाबाचि ओया खाडमेत्तानुम, का खानाचिआ सिनलेखाओ निकि वाछाप्याआ लोवाओ ओटनि साडनुवारिओ यामतोकचि हेन्खुवा रिपेन्तानुम। ४५'मेन मोको लोनताकि खारा नेतलोक ओको दुमओ उनबड्के रूमरड मुवा का मुनुम फेममा पुडसा हे देकमि लादेड सासापसा तालावाडडा वाडला मुसि रूमा मानलि मेन हुइया सेनयाडनि खारुडडा युडानिन, का मनाचि रिन्चोलिपाडका खोनिनओया मबाना।

2

१'दिचलेन नेतलोक लादेड खोनिन मुनटोड कर्फनहुमडा वाडानिन, मोबेन खोनिन खिमडा लिमानु लोवो एनानचिन २'नड उनबड्के मनाचि झाराडुम मलिसा हे मोकोचि मोडा मानछत ,ओडातारि हे लापटिखोमओ चुवाडयोवा अकनिया खाम मानलि। नड खोनिनआ मोकोचिआ इडुम एनमेत्तानिन। ३'नड लुकापाडआ खुनताओ अकपाड धासारिवाजा ताराकि मनाचि खोनिनओया मता। ४'मुकलाओ सुन्दुमआ खोनिनओ चुकडा बानमा मानरूहिडा मोकोचिआ खोनिन लिसानिनओ खाम धानिओ खापपु महोक्ता, का होक्काचिआ नेतलोक मोको घासारिवा इमनियुडसाओ डे इमखा मोडाडका हुयनि मडत,ता। ५'देकमि मोकोचिओ मकतुम खाडाकि मोको घासारिवाजा यिडानिन "सावाछा खानाओ हुमुकवा नुनामलानुत मलिसा।" ६'मेन मोडा खाउ डे यडवानमिचि युडनियुडसाओ मयाआडा का आनओ आनओ कोडरिडडा उसओ यिडाकि मिनला मुनियुडसाओ मयाआड 'देना ओको मनाआ मुडसाकिया चेपलुक? ओसाआ ना निनाममुओ उतनुड चुलुक। ओन् अक तामिनतुप् निनाममुआ लेट्का निचि साडआ छड हुमुकवा नुनामलानुत मुमा रूयाक? ७'मन्कि मोकोचि हाडपोहाडडा उडसाकिया मिनला मचुलुक लोवो देकमिआ हाले आनओ साकोडडा सिनला तोक्कि मोकोचिआ लोवानिन, देना खानाचि आनओ आनओ कोडरिडडा उसओ दुम्ओ मिनला अचुलुक? ८'धासारिवाजा आमनो हुमुकवा नुनामलानुत मलिसा यिडमा हे पोक्ते आमनो इमखा थेन्ताकि बिए, यिडमा, खाउ ओलाक नेकता याआड ? ९'मेन मनाओ सावाछाजा हेन्खामाडा हुमुकवा नुनामलानुत मुवो पाड याआड लोनि खानाचिआ लेसि रूवानुम। (खोनिनआ धासारिवाजा लोवानिन) १०'अडका खानाजा लोडा पोक्ते, आमनो इमखा थेन्तानुम का आपनो खिमडा बिनिलेवानुम। ११'नड मोको ठिन्ता का हाले आनओ इमखा थेन्ताकि

झाराओ बुसित डाडका खारालेवा, उनतारि हे झारा पाड स्वमराकआ नाकाक् मलिसा का आनकान्ना उसओ ना देमखा छाड टोकुओ याइमिन लोनि मोकोचिआ निनाममुओ धिनुमसड मचुवा। /s लेविजा बुतसान /s¹³मन्कि खोनिन् लादेड वात्ताम वाचुकखाडा खारानिन, का झारा मुकला खोनिनओया मबाना नड खोनिनआ मोकोचिजा सालामयड पुवानिन।¹⁴नड खात्याडसा मुहिडा खोनिनआ अल्फयसओ सावाछा लेविजा छोनलाखाडा युडनि युडसाको टोकतानिन का मोचिजा यिडानिन अडकाओ देडसु बानानुम। मोचि पोकताकि खोनिन्ओ देडसु मवाडा।¹⁵नड उसओ लिसा, हे मोचिओ खिमडा चासिजा खोनिन् युडानिन, नड बद्धेका छोनकाबाचि का दाखोडवाचि छाड देकमि का खोनिन्ओ खेनमाछाचिओ अकनिनडा युडाओ मयाआडा, देनादि मोकोचि बद्धेका मयाआड नड खोनिनओ देडसु देडसु बियाओ मयाआडा।¹⁶मेन फरिसिचिओ कायडवानचिआ खोनिन दाखोडवाचि का छोनकावाचि सुतडा चानियुडसानिनओ टोकुकि खोनिनओ खेनमाछाचिडा मयिडा, मोचि छोनकाबा का दाखोडवा सुत्ता चामादुडमा मुहिडा मयाछा।¹⁷ओको एनाकि देकमिआ मोकोचिजा लोवानिन चावापाडचिजा नुखामिओ चाखाम नुनिन् मेन तुककाबाचिजा, अडका सामयोकमिचिजा ना माआड मेन दाखोडवाचिजा बुतसि ताओ एव। /s मानचायाकला छापछोड खासेन /s¹⁸हान युहन्नाओ खेनमाछाचि का फरिसिचि मानचायाकला मयुडडा का मोकोचि ताकि खोनिनजा मयिडा, युहन्नाओ खेनमाछाचि का फरिसिओ खेनमाछाचि देना मानचायाकला मयुडलुक मेन खानानिन्ओ खेनमाछाचि लो मानचायाकला मयुडनिन ?¹⁹देकमिआ मोकोचिजा लोवानिन, दि साडकोम मोकोचिओ अकनिन्डा लिदातारि सायाहाडमि मानचायाकला मयुड का? मुनटोडतारि साडकोम मोकोचिओ अकनिनडा मलि मोकोचि मानचायाकला युडसि मरुनिन्। मेन मोचिलेन मबानवोड मुनटोड साडकोम मोकोचि डाडका नियाक ममुमेत्वोड का मोलेन मोकोचि मानचायाकला मयुडवोड।²⁰मेन मोचिलेन मबानवोड मुनटोड साडकोम मोकोचि डाडका नियाक ममुमेत्वोड का मोलेन मोकोचि मानचायाकला मयुडवोड।²¹साडआ छाड आसुड टिटडा नुडवा तेन्नुमा चडनिन् माआडलो मोडाडका मोको चडसाओआ तामिनतुप नुडवाआ आसुडडाडका सातनि मखाट का पेतसु ओलाक लिवोड।²²नड साडजा छाड नुडवा यम्पारावा आसुड हो:वाओ खुडडा लेननिन माआडलो मोको यम्पारावाजा हो वाओ खुडचि केतनि पुयाक का यम्पारावा का हो वाओ खुड छाड युनता मलि। मेन नुडवा यम्पारावा नुडवाडे हो:वाओ खुडओ निकि ए। /s सावाएमलेनओ काडलेन छापछोड खासेन /s²³अक सावाएमओ लेनडा खोनिन चासुमखाचि डाडका लिति खात्याडसा लिमानुवाडा, का खोनिनओ खेनमाछाचिआ बियाडसा मुहिडा चासुमओ वाचुडखुडचि कुपसि मयुडसा।²⁴फरिसिचिआ खोनिनजा मलोवा, 'खाडाने सावाएम लेनडा खाकको मुमा उतनुवा याआड, मोकोचि देना मचुलुक?'²⁵खोनिन्जा मोकोचिजा लावानिन, 'दि खानाचिआ देमखा छाड खिपतुओ तमानुनड, दाउदआ मुनटोड मोचिजा चाखाम डोटटाओ याआडा, मोचि नड मोसुतडा लिवोचि साकारुहिडा दि मुवाओ मयाआडा?'²⁶खाडसाकिया अवियाथार बुलामबु बुबकाबाओ वाडदा निनाममुओ खिमडा मोचि मवाडा का बुकफेनओ पेमपाक मचो खाकको बुबकाबा लेटका निचिआ चामा उल्लुवा याआड ,का उहाडपाडसुतडा लिवोचिजा छाड मपुवा।²⁷मन्कि खोनिनजा मोकोचिमा लोवानिन सावाएमओ लेन मनाओ निकि मेत्ताओ ए। मना सावाएमओ लेनओ निकि माआड।²⁸ओसुन्दुम ना मनाओ सावाछा सावाएमओ लेनओ छाड हाएसि ए।

3

'खोनिन लादेड यायोक्खिमडा वाडानिन, नड मोडा सिपतुओ छुक लिसाओ अकपाड मना याआडा।²नड खोनिन्जा मोसाजा सावाएमओ लेनडा नुसड मेत्मानु हे लोनि खोनिन्जा खायोडमाजा मोकोचि खोनिनओ सुक्खुखाडा मयाआडा।³मोबेन खोनिनआ सिपतुओ छुक लिसाओ मनाजा लोवानिन 'हुपडा ठानठुक लिसानुम।'⁴नड खोनिनआ मोकोचिजा लोवानिन सावाएमओ लेनडा नुलोक चुमा हे उवाक चुमा? हाडमाड रातमा हे युनला चुमा? खार ओलाक नुलोक ए? मेन मोकोचि वा:इया मयुडा⁵मोबेन मोकोचिओ कोडरिडओ चाउकला टोकनि तुक्खामि लिसाकि माइसुडआ चुवाडयोवा मोकोचि धानि मुक्खाड लुवाकि खोनिनआ मोसाजा लोवानिन "आमनो छुक फेयानुम" मन्कि मोसाआ फेया का मोसाओ छुक बुखुवातनि डे लिसाखारा।⁶नड हुड्या खाराकि फरिचिआ हाले हेरोद सुत्ता खोनिनओ उसादाकडा खोनिनजा खाडसाकिया युनला मेत्तोमने यिडाकि यायोक् मचुवा।⁷मोडाडका देकमि आनओ खेनमाछाचिसुत्ता वात्तामलिपा खाछित्ताकि खारानिन। नड गालिल डाडका मनाचिओ टोप्पो मुक्ला खोनिनओ देडसु मता, ⁸का यहुदियाडका, का यरूशलेम डाडका, का इदुमिआडाडका, का यर्दन हयाधेतदाडका, का टायर डाडका, का सायडनओ चुवाडयोवाडका मनाचिओ टोप्पो मुक्ला खोनिन्जा खासओ टोप्पो टोप्पो ओकचि मुवानिनओ याआड लोवो एनाकि खोनिनओया मता।⁹मन्कि खोनिनआ आनओ खेनमाछाचिजा लोवानिन मुक्लाओ सुन्दुमआ मुहिडा अकटेट चुप्पो चा:वासि अडकाओ निकि चुकडा छुमचुम लिने माआडलो मोकोचिआ मतिमताडवोड।¹⁰देनालो खोनिनआ बदधेकाजा नुसड मेत्तानिनओ याआडा, उनतारि हे, सारि लिसाओ झाराआ छाड खोनिनजा नोप्लोमने लोवाकि छुनमाछुन् मचुवाडा।¹¹नड मुनटोड असेडअत साकोडचिआ खोनिनजा मटोक्ताडा हाले खोनिनओ बुसित बोम्का लिसाकि उसओ यिडयाडसा मपातताडा खानानिन निनाममुओ सावाछा लिमानु।"¹²नड मोकोचिआ खोनिनजा पुक्कु मानमुविने यिडवो चाउक इडवा खोनिनआ मोकोचिजा चुवानिन। /s देकमिआ हवापौ खेनमाछाचि छेनतानिनओ /s¹³नड खोनिन भुरूडा वाडानिन का खोनिनआ राका मुवानिनओ उनलोजा बुत्तानिन, का मोकोचि खोनिनओया मता।¹⁴नड मोकोचि खोनिनओ ढायुकडा युडसि का मोकोचिजा रूमरड मुसि छुतसि¹⁵का मामाडसुखा खालाचि लातवो कोपर छाड मोकोचिजा लिने यिडाकि खोनिनआ हवापौपाडजा कावाडसाड मुवानिन।¹⁶तामिनतुप, शिमोन, खोसाओ नुड पत्रुस युडसानिन।¹⁷नड जड्दिओ सावाछा याकुब, का याकुबओ निछाक युहन्ना, का खोनिनआ मोकोचिजा वोअनगॅस तामिनतुप कुलुडदिपाओ सावाछाचि लोवो नुड युडसानिन।¹⁸नड अन्ट्रियास, का फिलिप, का बर्थलोमै, का मत्ति, का थोमा, का अल्फयसओ सावाछा याकुब, का थेदियस, का शिमोन कनानी,¹⁹का यहुदा इस्करयोति, खोक्कोआखोनिनजा लुलेनला छाड मुवा। नड खोनिन खिमहुड्डा खारानिन। /s देकमि धानि एमसुकोप /s²⁰नड लादेड मुक्ला झाराड्डुम लिसा, उनतारि हे, खोनिनचिआ चामासेसि चासि छाड तोकमा मान्ति।²¹मुनटोड खोनिनओ रुमिपामिआ ओको मएना, मोबेन खोनिन्जा खाडओछुड मुमा मलोनतु देनादि खोनिनओ कोडरिड छुककोडडा मातदड लोनि खोकोचिआ मलोवाडा।²²नड यरूशलेम डाडका इनिताओ यडवानमिचिआ मयिडा, "मोको सुतडा बालजिबुल याआड का मामाडसुखाओ हाडछेकुछा डाडका मोसाआ मामाडसुखाचि मलातलुक।"²³मेन खोनिनआ मोकोचिजा अहाडपाडओया मबुत्ता, का मोकोचिजा डोवाडलाचिडा यिडानिन "सुलावा आ सुलावाजा खाडसाकिया लातसि रूलुक का ?"²⁴खारडे हाडहोनओ हाडपोहाडडा यडछिल्ला लिसा लो मोको हाडहोन पाडचडमा रूनिन्²⁵खार डे खिमओ छाड हाडपोहाडडा यडछिलला लिसा लो मोको खिम पाडचडसि रूवोनिन्।²⁶खोनालो सुलावाआ सुलावाओ डे उसादाकडा ठानठुक लिसाकि मानतोडवा मुवाओ याआड लो मोको युडसि रूनिन् मेन मोसाओ वाडचोम लातलिवोड।²⁷साडआ छाड सापसामि मनाओ खिमडा वाडाकि खोसाओ यामतोक डाकमा रूनिन् मुनटोड तारि मोकोआ सापसामि मनाजा बुसि छुमनिन्, का मोबेन ओन मोसाआ खोसाओ खिम डाकुउने।²⁸अडका खानाचिजा नुचुडडे लोलुकडा, मनाओ सावाछाचिओ झारा हुमुक्का का मोकोचिओ निनामुत्तुड, खाक्को मोकोचि मिनअतलाडा चुउने, नुनामलानुत मलिवोड²⁹मेन खोक्कोआ वाचोड साकोडओ उसादाक मिनअत चुवोड मोको देमखा छाड नुनामलानुत लिवोनिन, मेन मोको सानलेप हुमुक्कोओ खोयोक्कमि दोव्याका।³⁰देनालो खोनिनसुत्ता असेडअत साकोड याआड लोनि मोकोचि मलोवाडा।³¹मोबेन खोनिनओ मामा का निछाकचि मता, का हुड्याडे ठानठुक लिसाकि खोनिनजा बुतनि मछुत्ता।³²मुक्ला खोनिनओ चुवाडयोवाडा युडनि युडसाओ याआडा, का मोकोचिआ खोनिनजा मयिडा, खाडाने, आमनो मामा, का आमनो निछाकचि खानानिनजा हुड्या मलामयाड।³³खोनिनआ मोकोचिजा लायड पुवाकि यिडानिन, अडमामा, अडनिछाचि साड मए?"³⁴नड आनओ चुवाडयोवाडा युडकाबाचिजा खाडाकि खोनिनआ लोवानिन, खाडानुम, अडमामा का अहनिछाचि।³⁵देनादि खोकोआ निनाममुओ राका काडलेन मुवोड मोकोडे अडनिछा, अडनिछामा का अडमामा मए।"

4

¹खोनिआ लादेड वाततामओ वाचुकखाडा सालामयड पुसि पुडसानिन। नड उन टोप्पो मुकला झाराझूम लिसा, हे खोनिन् चा:वासिडा वाडाकि वात्तामडा डे युडानिन, का झाराडे मुकला लो वात्तामओ वाचुकखाडा डे याआडा। ²मन्कि खोनिआ मोकोचिजा डोयडलाडा बद्धेका दुम चिनलुवानिन, का आनुओ सालामयडडा मोकोचिजा यिडानिन। ³एनानुम, खाडानुम, यामाचा तेममि तेममाजा लोन्तु। ⁴नड उसओ लिसा, तेमहिडा दिच यामाचा लामलिपा मडोटटा, का माडसेचियाआ ताकि मचोलेवा। ⁵दिच धिलुडबाखाडा मडोटटा, मोडा बदधे बाखा माननुडा, का बाखाओ गडयु मानलिहिडा मोको चकनिडे थुवा। ⁶मुनटोड नाम लोनता, मोको छोपता का मोसाओ सुडभेन मानलिहिडा सिप्तालेवा। ⁷खाउडे लो सेन्मिचिओ हुपडा मडोटटा, मेन सेन्मिचि पोयाकि ता का मोसाजा साकनाननि मपुवा, का मोसाआ सिवा मानपु। ⁸खाउ डे नुलोक बाखाडा मडोटटा का थुयाडसा पोन्याडसा खाराकि सुकि फसमि, का तुकि फसमि का भुडकि फसमि सिवा मपुवा। ⁹मन्कि खोनिआ लोवानिन, 'खोक्कोओ नाबाक याआड मोसाआ एनने।' ¹⁰मुनटोड खोनिन इकआडे लिसानिन, मोबेन हवापौ पाड अकनिया चुवाडयोवा लिसाओ निचिआ खोनिन सुतडा ओको छापछोडडा मसेना। ¹¹नड खोनिनआ मोकोचिजा यिडानिन, निनाममुओ हाडहोनओ तुपतुपला खानाचिजा पुवानचिनओ याआड मेन हुडयाओचिजा लो झारा दुम डोयडलाचिडा मचुविन्। ¹²हे मोकोचिआ खाडसि ना खाडने, मेन मानटोकने। का एनसि ना एनने, मेन मानतुपने, माआडलो ना मोकोचि लादेड लावोड का मोचिजा नुनामलानुत लिवोड। ¹³नड खोनिनआ मोकोचिजा लोवानिन, दि खानाचिआ ओको डोयडला ततुपनिन् ? मोबेन खाडसाकिया झारा डोयडलाचि ततुपतुडने ना? ¹⁴यामाचा तेममिआ इदुम तेमलुक। ¹⁵लामलिपडा वेततानचिनओ इदुम ओको डे मए, मुनटोड मोकोचिआ मएन, मोबेन हाले सुलावा बान का मोकोचिडा वेततानचिनओ इदुम खाटनिलेयाक। ¹⁶नड मुडसाकिया धिलुडबाखाडा वेततानचिनओ ओकोडे मए, खोक्कोओ मुनटोड इदुम एन हाले छेमनसुतडा मोबेन डे मोको देडहुत। ¹⁷मोसाओ अहाडपाडडा सुडभेन नुनिन का मोचि दिचवाड पाडचड, मेन मुनटोड इदुमओ सुन्दुम लारूम हे ठिनसु तानिडोट, मोबेन हाले ढुडला मचा। निचि लो मोचि मए, ¹⁸खाकको सेन्मिचिओ हुपडा वेततानचिनओ मलि, ओकोचि मोचि डे मए, खोक्कोओ एनाओ मलि ¹⁹नड धाधारडओ मिनराक का खाबालुडको राका का निचि यामतोकओ रापचा हुड्डा वाडनि इदुमजा साकनाननि मपु, का मोको मानसिवो लिनिलेयाक। ²⁰खान्नो थाम्पुकडा वेततानचिनओचि ओचि मए, उसओआ इदुम मएन का देडहत्ता मचु का सुकि फसमि का तुकि फसमि का भुडकि फसमि सिवा मपु। /s यामाचा का ओपकि डाडका सानयड /s ²¹मन्कि खोनिन्आ मोकोचिजा लोवानिन, 'दि ओपकि पादुकओ ह्युनि हे इमखाओ ह्युनी युडसि यिडाकि बाट? दि ओपकियुडखाडा युडसि लोवाकि माआड? ²²छुप्ताकि छोड मानलिवो का कोपनिडा युडसाकि मुलुमुक मानलिवो दिच छड माननुड। ²³खोनालो खार डे मनाओ एनवो नाबाक याआड लो मोसाआ एनने। ²⁴नड खोनिनआ मोकोचिजा लोवानिन, 'खानाचि खाक्को तएन, मोसाडा स्वमलेन पुवानुम, देनादि खाक्को हाकलाआ खानाचि भेपलुक मोको डे हाक्लाआ खानाचिजा छड भेपवोड नड खानाचिओ निकि बद्धे पुवोन। ²⁵देनालो खोक्को सुतडा याआड मोसाजा पुवोन नड खोक्को सुतडा मातदड मोसासुतडा लिसाओछड मोसाडका डाकवोन्। ²⁶नड खोनिनआ लोवानिन, 'निनाममुओ हाडहोन उसओ याआड, हे खाउडे अकपाड मनाआ थामपुकडा यामाचा तेमने ²⁷नड खाखुत लेन इमने का पुलोनने का यामचा लो लिमलातने का पोनेने, मेन मोको खाडसाकिया लिसाओ ए मोको मोसाआ लेनिन्। ²⁸थामपुक अहाडपाडेआ सिवा सिमेत्, बुसि सुडताड मोडाडका वाचुडखुड मन्कि वाचुडखुडडा भेप्लो चासुम। ²⁹मेन मुनटोड चासुम चारू मोबेन हाले मोसाआ हेकमु याडलुक, देनालो चामुसिवाओ मुयाकला ताबानाओ नुयाक। ³⁰मन्कि खोनिनआ लोवानिन, 'निनाममुओ हाडहोनओ हाकडहा आन्कान खाडसाकिया मुडनेने? नड खार डोयडलाडा मोको युडसुमने? ³¹मोको ना होमसिओ लुडवा इसा याआड, खाको मुनटोड थामपुकडा तेम्तिन मोबेन हेनखामाडा झारा यामाचाचिडा चुपपो मलिसा ³²मेनछड मुनटोड मोको लिन्तिन मोडाडका मोपोन का झारा लिमपुकचि चोडलो टोप्पो नु, का बदधे बदधे खेकचि लिम्लु, उसओ हे नामकदुओ माडसेचियाआ मोकोओ लाछामियु याक्मा मरू। ³³नड मोकोचिआ एनसि रुडन्लोक खोनिनआ उसओ डे बदधे डोयडलाचि लोवाकि मोकोचिजा इदुम एनमेत्तानिन। ³⁴नड मायाक डोयडला खोनिन मोकोचि सुट्टा चेम्पा मानलि मेन आनओ दुक्छा खेनमाछाचिजा खोनिनआ कोपनिडा झारा तुपयड होडनिपुवानिन। ³⁵मोलेन नामपुक मलिसा नेतलोक खोनिनआ मोकोचिजा लोवानिन, 'बानानुम आन्कान ह्याघेतलिप्या खारिनने। ³⁶नड मुकलाजा छिराकि देतनि खोनिन चा:वासिडा लिमानुवाडा, खोवातनि मोकोचिआ खोनिनआ अकनिनडे मखाट्ट, नड निचि चा:वासिचि छड खोनिनओ अकनिनडे मयाआडा। ³⁷मन्कि मोडा टोप्पो कुहुक ता का वारेपचि चा:वासिडा वान्ठेनमा मलुवा, उनतारि हे, चा:वासिडा चा:वा भेपमा पुडसा। ³⁸खोनिन अहाडपाड लो देडसिलिप्या अक्टेट टाडयुडडा टाड युडसाकि इमनियुडसानिनओ याआडा, का मोकोचिआ खोनिनजा उसओ यिडयाडसा मपुलोन्टा, "रुमु, आन्कान युन्ला लिमा पाकोम् लोवो दि खानाजा स्वम माननुड?" ³⁹मोबेन खोनिन पुलोन्तानिन, का कुहुकजा हेनतानिन, का साजुमाजा लोवानिन वाड:या लुप, सावेडला लिसानुम। मन्कि कुहुक नान्ता का टोप्पो सेन्याडनिना लिसा। ⁴⁰नड खोनिनआ मोकोचिजा लोवानिन, 'खानाचि देना मुडसाकिया कुमाकासाड अलि? खानाचिडा फाननु मकतुम माट्टड? " ⁴¹नड मोकोचि धिकुमाकाराकि हाडपोहाडडा मयिडा". खोनिन साड मए? कुहुक का साजुमाआ खोनिनओ इडडवा मकाड।"

5

¹मन्कि खोनिनचि वात्तामओ हयाधेतलिप्या गिरासिनीओ सिडवाडडा बानानिन। ²नड खोनिन चा:वासिडाडका लोनमुसा सुचिनखुम डाडका असेडअत साकोड वाडाओ अकपाड मनाआ खोनिनआ धिरू³खोक्कोओ याकखिम एपमाचिडा डे लिसाडा का खार डे मनाआ मोसाजा चोकछुमचिआ छड छुम्मा रूवाओ मानुडा। ⁴देनादि मोको बदधेका लुडछुमबि का चोकछुमचिआ हेतानचिनओ याआडा का मोसाआ चोकछुमचिजा फडला फडला मेत्ति लाडछुम्बिचिजा छड दाडला दाडला मेत्तिपुवाओ याआडा, का खाउडे मनाआ छड मोसाजा छुककोडडा युडसि रुवाओ माननुडा। ⁵मोको खाखुत का लेन् निम्मा एपमाचिडा नड हेमसुवाचिडा पातयाडसा अहाडपाडआ हाडपाडजा लुडटाकआ फाक्याडसा बियाडा। ⁶नड मुनयोक्का मोकोओ देकमिजा माडखाडका टोक्ता, हाले लोटयाडसा ता, का खोनिनजा सायालोज मुवा। ⁷नड धिडोसाडलाआ पाराकि यिडा, "धिवाड हाएसिओ सावाछा देकमि अडकाओ खानानिन सुट्टा दि चाखाम? अडका निनाममुडा सिस्वदुम चोकि खानानिनजा ताछुकफेडला मुडा, छुयु मान्युदाडने।" ⁸देनादि खोनिनआ मोसाजा लोवानिनओ याआडा, "असेडअत साकोड, ओको मनाडका लोत्रि बाने।" ⁹मन्कि खोनिनआ मोसाजा सेनानिन, "आमनुड दि ए?" मोसाआ खोनिनजा यिडा, "अडनुड ना मुकतला ए, देनादि आनकान बदधे याइनका।" ¹⁰नड मोसाआ खोनिन सुट्टा मोकोचिजा सिडवाड लातखाला मानलिने लोनि थिकनिन ताछुकफेड मुवा। ¹¹हान मोडा हेमसुवाओ चुकडा वाकचिओ बदधेका रहुप चाननियुडसाओ याआडा। ¹²नड मोकोचिआ उसओ लोनि ताछुकफेड मचुवा, "आनकानजा वाकचिओया खातसि पुवाने, का आनकान मोचि हुड्डा वाडोम्का।" ¹³मोबेन खोनिनआ मोकोचिजा देडहुतवारि पुवानिन का असेडअत साकोडचि हुड्डा लोन्ताकि बाकचि हुडडा मवाडा, मन्कि हवाहिभुड मेतलो रहुप हेमसुवा डाडका साजुमालिप्या टोम्तुकि मखारा, का मोकोचि साजुमाडा साकमासोन्तुकि सुवा। ¹⁴हान मोकोचिजा चानवोचि मफुडसा का तालावाड का टेन टेनडा युडखान मपुवा, का दि लिसाओ ए मोको खाडसि मोकोचि मता। ¹⁵मोवाडडा मोकोचि देकमिओया मता का मो खाला वाडाओ मनाजा नुलोककोडओ लिसाकि टिटखान छड होडाकि युडनियुडसाओ मटोक्ता, का मोकोचि मकुमाकारा। ¹⁶नड खोक्कोओ ओको टोक्कोओ याआडा मोकोचिआ खालाचि वाडाओ मनाजा का बाकचिओ छापछोडडा दि लिसाओ याआडा मोको मोकोचिजा लोनि मपुवा। ¹⁷मन्कि मोकोओ खोनिनजा मोकोचिओ हायुडडाडका खारालेवाने लोनि ताछुकफेड मुसि मलुवा। ¹⁸नड खोनिन चा:वासिडा वाडसिलुहिडा मोको खाला वाडाओ मना खोनिनओ डे अकनिन्डा युडसिओ निकि ताछुकफेड मुवा, ¹⁹मेन खोनिन्आ मोसाजा देडहुतसु पुमा मानलि। मेन मोसाजा लोवानिन, 'खाना आनओ खिमडा खाराकि आमयावाचिजा एन्मेत्ति पुए ।हे धिवाड हाएसिआ खानाओ निकि देम् बदधेका ओक मुवा, का खानाजा पुनोत् खाडमेत्ता। ²⁰नड मोको बिनिलेवा, का देकमिआ मोसाओ निकि देम टोप्पो ओक मुनिपुवानिन, मोको

डिकापोलिसओ झारालिप्पा रूमरड मुसिलुवा का झारा मनाचि नाकाकवाडा मडोट्टा। /s याइरसओ मेछाछा /s²¹मन्कि मुनटोड देकमि लादेड चा: वासिडा हयाथेतलिप्पा खारानिन, मोबेन अक्टेट टोप्पो मुकला खोनिनओया झाराझुम मलिसा। खोनिन वातताम्ओ वाचुकखाडा लिमानुवाडा।²²नड यायोक्खिमओ हाडछाचिखपडा याइरस नुड लिसाओ अकपाड खोनिनओया मता, का खोनिनजा टोक्कुकि खोनिननओ लाडडा बोम्का मडोट्टा।²³नड उसओ यिडाकि थिथिकनिन् तालुकफेड मचुवा, अडकाओ चुप्पो मेछाछा सुसिलुवाओ याआड, बानाकि मोधानि खानानिनओ छुक युडनिपुवाने, का मोको हडने का लेनचाने।²⁴नड खोनिन मोचिसुट्टा खारानिन, का अक्टेट टोप्पो मुकला खोनिनओ देडसु मता, का खोनिनजा छुनमाछुन् छाड लिसा।²⁵नड हवापौ दोडडाडका हुवा पेतवो सारि लिसाओ अकपाड मारिछा,²⁶खोकोआ बदधका नुखामिचिओ छुकडाडका छुयु तोकताओ याआडा, का हाडपाडसुट्टा लिसाओ झारा खाबालुड याडयाडला मुवाकि छाड नुसड मानलिसाकि हेनाक फाननु उवाक यामामुडा डोटटुओ याआडा,²⁷देकमिओ छापछोडडा दुमचि एनाकि मुकलाओ देडसुलिप्पाडका ताकि खोनिनओ सडनान् नोप्पु।²⁸देनादि मोसाआ यिडाओ याआडा, अडकाआ खोनिनओ सडनान ओन् नोपतुडलो छाड अडका नुसड लिवोडा।²⁹नड मोबेन डे मोसाओ हुवा पेतवो छेक्का लिनिलेवा का आनओ साएमपोकडा सारि नुसड लिसाओ मिनला तोक्कालेवा।³⁰नड हाडपाडडाडका साएराड हुडया लोन्ताओ चकनि देकमिआ सिनला तोक्कुकि मुकलाडा देडसुलिप्पा लासाकि यिडानिन, "साडआ अडटिट नोप्पु?"³¹खोनिनओ खेनमाछाचिआ खोनिनजा मयिडा, 'मुकलाआ छुनमाछुन् मुवाओ ना खानानिनआ टोकतानिनओ डे याआड, नड खानानिन यिडमा नु साडआ नोप्ताड?'³²नड खोक्कोआ खाक्को मचुवा ,मोसाजा खाडसिजा खोनिनआ रिनचोलिप्पा अमुक खाचोपतानिन।³³मेन् खाक्को मोसाजा लिसाओ याआडा मोको सिनला तोक्कुकि मोको मारिछा कुमाआ धुन्याडसा ताकि बोम्का डोरु, का खोनिनजा झारा नुचुड दुम लोनिपुवा।³⁴मन्कि खोनिनआ मोसाजा यिडानिन मेछाछा, आमनो मकतुमआ खानाजा डेकताओ याआड। नुसानसुट्टा खारानुम, आमसारि नुसड लिनिलेवा।³⁵खोनिन चेपमा लियाडसा याआडा, यायोक्खिमओ हाडछाओया डाडका मनाचि बानाकि मयिडा, "खानाओ मेछाछा सुवा ! रूमजा हान फाननु छुयु देना पुमा नु?"³⁶मेन मोकोचिआ मुनियुडसाओ दुम देकमिआ मानएन ओटनि मुवाकि यायोक्खिमओ हाडछाजा यिडानिन, "मानकुमाकातदानुम, मकतुम ओन मुवानुम।"³⁷नड खोनिनआ पत्रस, याकुब नड याकुबओ निछाक युहन्नाजा लेटका निचि साडजा छाड खोनिनओ सुट्टा बानसि देडहुत्ता पुमामान्ति।³⁸नड खोनिनचि यायोक्खिमओ हाडछाओ खिमडा बानानिन का खोनिनआ बदधका डुमलुडला मुवो, खापवो का धितुकहुयु मुवोचिजा टोकतानिन।³⁹मन्कि हुड्डा वाडाकि खोनिनआ मोकोचिजा यिडानिन, "खानाचि देना डुमलुडला अमु, का अखाप? कामेत्छा सुवाओ मातदड मेन इमनियुडसाओ याआड।"⁴⁰नड मोकचिआ खोनिनधानि इयावारि मचुवा। मेन खोनिनआ झाराजा सोत्ताकि कामेत्छाओ पापा नड मामा, का खोनिन् सुट्टा लिवोचिजा अकनिनडा टारुकि कामेत्छा इमसाओ खामहुडडा खारानिन।⁴¹मन्कि कामेत्छाओ छुक लापुकि खोनिनआ मोसाजा यिडानिन, "तलिता कुमि", खाक्को तुपयड ए, 'साएडमि अडका खानाजा यिडडा पुलोन्ते !'⁴²नड मोबेनडे मोको छुटुक्का पोक्ता का बिकोन्ला मुमा-पुडसा। देनादि मोको ह्वापौ दोडओ याआडा। नड मोकोचि मिन्तालुक थिस्वमराक मडोट्टा।⁴³नड खोनिनआ ओकोचिजा ओको साडआ छाड सिनला मानतोक्कने लोवो चाउक इडइवा पुवानिन। नड मोसाजा दिच चामा पुसि लोनि यिडानिन।

6

'मोडाडका लोन्तुकि खोनिन आनओडे सिडवाडडा बानानिन। नड खोनिनओ खेनमाछाचि खोनिनओ देडसि मवाडा।⁴⁴नड मुनटोड सावाएमलेनओ लेन ता, खोनिनआ यायोक्खिमडा सालामयड पुसि पुडसानिन। नड काएनवाचि बड्केका पाड उसओ यिडयाडसा स्वमराक मडोट्टा ओचि मनाजा ओचि दुमचि खाडाडका ता? नड ओको मनाजा पुवानचिनओ ओको ताया दि मए? अडछुकडाडका लिसाओ वक दि ए? 'दि ओचि मरियमओ सावाछा याकुब, योसेस, यहूदा का शिमोनओ बुबु रेककाबा माआड? दि ओचिओ निछामाचि ओया आनकानका सुट्टा माननुड का? नड मोकोचि खोनिन सुट्टा महुकता।'मोबेन देकमिआ मोकोचिजा यिडानिन, 'यामाडचिजा आनओ लुवाड का आनओ सायाबुडचिओ खपडा का चिखिमडा लेटका हाउसो खातनिडे उत्सानुडवा नुनिन।'⁴⁵खोनिनआ मोडा खाउडे खाउडे तुक्काबाधानि आनओ छुक युडसाकि मोकोचिजा नुसड मेत्ता लेटका निचि साएराडओ ओक् मुसि रूमा मानलि।⁴⁶नड मोकोचिओ योकोममिनआ मुहिडा खोनिन स्वमराक डोरानिन, का खोनिन टेन्डा चिन्याडसा कोनतानिन।⁴⁷मन्कि खोनिनआ अकहवापाडजा हाडपाडओया वुत्तानिन का मोकोचिजा हवा हवापाड मुनि छुतमा लुवानिन, का मोकोचिजा असेडअत साकोड धानि कोपरू पुवानिन।⁴⁸नड लामओ निकि ओन अक्टेट टोमफुक लेटका दिच छाड मानतात्मा लोवो चाउक इडइवा पुवानिन मानना पेम्पाक, मान बेखा, मानमा बुकरिमडा फेक 'मेन लाडसुप हुममा नड हवाटेट लोकछुम मान्हुमदामा लोनि खोनिनआ यिडानिन।'⁴⁹मन्कि खोनिनआ मोकोचिजा यिडानिन, 'मुनटोड खाउडे खिमडा अवाडउने मुनटोडतारि मोखामडाडका अलोननिन मोबेनतारि मोडाडे युडानुम।'⁵⁰नड खाक्को खाक्को खारोडडा खानाचिजा सानुडवा मानलिसुने, का मोकोचिआ खानाचिओ इदुम मएननिन, मोखामडाडका खानाचि लोन्हिडा मोकोचिजा सिनलेखाओ निकि आनओ लाडफेमओ थुलि रुडनिपुमा।'⁵¹हाले मोकोचि लोनताकि खातनि मनाचिजा लाछडमिन मचुने लोवो रूमरड मचुवा।⁵²मन्कि मोकोचिआ बदधे खालासाकोडचि मलात्ता, का बड्केका तुक्काबाचिजा आ: वा सोपनिपुवाकि नुसड ममेत।'⁵³हान हेरोद हेनकोपहाडआ खोनिनओ मुनुम मएना, देनादि खोनिनओ नुड रुडामि लिसाओ याआडा। नड मोचिआ मयिडा, हडसानवा पुचि युहन्ना सुवाओ डाडका खोडयाछा, का ओडे सुन्दुम ओचि साएराडचिआ खोसाडा ओक चुलुक।⁵⁴मेन निचिआ मयिडा, "ओचि ना एलिया मए।" नड निचिआ मयिडा, ओचि ना खाउडे यामाडखपओ अकपाड यामाड मए।⁵⁵मेन मुनटोड हेरोदआ ओको मएना, मोबेन मोचिआ उसओ मयिडा, युहन्ना खोसाओ टाड अडकाआ हेकमेत्तुड मोकोडे खोडयाछा।⁵⁶देनालो हेरोद अहाडपाडआ आनओ निछाक फिलिपओ तायामा हेरोदियासओ निकि टाडकारुकचि छुत्ताकि युहन्नाजा लापतुकि मोचिजा छेकखिमडा वाक्कुओ याआडा। देनालो खोचिआ मोचिजा याकाम्मु मुवाओ याआडा।⁵⁷नड युहन्नाआ हेरोदजा उसओ यिडाओ मयाआडा, 'आन्ओ निछाओ तायामाजा युडमा खानानिनजा नुलोक माननुड।'⁵⁸हेरोदियासआ मोचिदु माइसुड युडसाओ याआडा, का मोचिजा सेतसि लामयाडसा याआडा, मेन रूवाओ माननुडा।⁵⁹देनादि युहन्नाजा सामयोक्का का वाचोड मना लोनि चामलोक्कुकि हेरोद मोचिसुट्टा कुमाकात्ताडा का मोचिजा रात्तुकि युडसाओ मयाआडा, नड मोचिओ इदुम एनहिडा खोचि बदधेका तुक्खामि लिसाडा, मेनछाड वाया सुट्टा एनाडा।⁶⁰हान लोइसा सुकथिड मोवाइडा बाना, मुनटोड हेरोदआ आनओ पुक्केलेनओ छेमालोकडा आनओ टोप्पो खारूखाहाडछाचि, मुकतलाटाडमिचि, गालिलओ अधुवा अधुवा मनाओ निकि चाचायु मपुवा,⁶¹का मुनटोड हेरोदियासओ आनओ मेछाछा हुड्डा ताकि लाकलुवा मोबेन् मोसाआ हेरोद नड मोडा अकनिनडा चाचायुडा युडकाबा झाराजा वाया मेत्तु का हाडआ मोको मेछाछाजा मयिडा, 'खानाजा नुवानुसाओ यामतोक अडकाकनिन दोरानुम का अडका खानाजा पुवोडा।'⁶²नड मोचिआ सिस्वदुम चोकि मोसाजा मयिडा, खाक्को खाना अडकासुतडा तदोत् अडकाओ दुकेवा हाडहोन छाड अडका खानाजा पुवोडा।'⁶³मन्कि मोसाआ हुड्डा लोन्तुकि आनओ मामाजा मयिडा, "अडका दि दोरूम?" मोचिआ मयिडा, "हडसानवा पुमि युहन्नाओ टाड!"⁶⁴मोको मोबेन हालिफुलिकनिन हुड्डा हाडओया खाराकि उसओ यिडाकि दोरा, "खानानिनआ हानदे अडकाजा हडसानवा पुमि युहन्नाओ टाड चाखुडडा पुवाने, लोवो अडका राकामुडा।'⁶⁵नड हाड धितुकखामि मलिसा, मेन मोचिआ आनओ सिस्वदुम का अकनिन्डा चाचायुडा युडकाबाचिओ निकि मोसाजा देडहुत्ता राका मानमु।⁶⁶मन्कि हाडआ हाले आनओ राक्काबाओ अकपाड टाडकारुकजा छुत्ताकि युहनाओ टाड बाटवो इडइवा मपुवा। नड मोसाआ छेकखिमडा खाराकि मोचिओ टाड हेक्का⁶⁷नड मोचिओ टाड चाखुडडा बाटटुकि मेछाछाजा पुवा, नड मेछाछाआ मोको आनओ मामाजा पुवा।⁶⁸मोचिओ खेनमाछाचिआ मुनटोड ओको दुम मएना मोबेन मोकोचि ताकि मोचिओ सुपोकवा थेनतुकि सुचिन्खुम खाटुकि मयुडसा।⁶⁹मन्कि बुलाम्बु खेनमाछाचि देकमिओया झाराझुम मलिसा, नड मोकोचिआ दि दि मचुवा, का मचिनलुवा मोचि झारा खोनिनजा चेपयड मचुवा।⁷⁰नड खोनिनआ मोकोचिजा यिडानिन, खानाचि आमहाडपाडे छाड छुटुक्का खोयाडखामडा बानानुम का दिच सावाएमतानुम। देनादि मोडा तावो खात्तवोचि बदधेका मयाआडा का खोनिनजा चासितारिओ फुसलिया माननुडा।⁷¹नड खोनिनचि

चाःवासिडा छुटुक्का अकटेट खोयाडखामडा खारानिन।³³हान मनाचिआ खोनिनचि खातनियुडसाओ मटोक्कु का बदधेकाआ मसिन्ता का झारा तालावाड डाडका लाडलाम लोकतुकि मोडा मखारा, का खोनिनजा मलिपता।³⁴नड खोनिन लोनहिडा अकटेट टोप्पो मुकला टोक्तानिन का मोकोचिधानि पुनोत्तानिन, देनादि मोकोचि चानकाबा मानलिसाओ सामुवा ओटनि मयाआडा का खोनिनआ मोकोचिजा बदधेका दुमओ सालामयड पुसिलुवानिन । /s देकमि का डाहिभुड मना /s³⁵मन्कि मुनटोड लेन उनभेप्लो छिट्दानि चिया, मोबेन खोनिनओ खेनमाछाचिआ खोनिन्ओया ताकि मयिडा, "ओको खारोड अखोयाक याआड, का हान लेन उनभेप्लो लिमनिचिया।³⁶मोकोचिजा खायोड पुवाने, का माकोचिआ ओहयानि मोहयानिओ सोहोन का टेनचिलिप्पा खाराकि आनओ निकि दिच चामासेसि मखितने।³⁷मेन खोनिनआ मोकोचिजा यिडानिन, "खानाचिआ मोकोचिजा चासि पुवानुम।" मेन मोकोचिआ खोनिनजा मयिडा, "दि आनकान खाराकि हवाभुड दिनार मेटलोओ पेमपाक खित्ताकि ओकोचिजा चासि पुम्?"³⁸नड खोनिनआ मोकोचिजा यिडानिन, खानाचि सुत्डा देमकाटेट पेम्पाक मयाआड, खाराकि खाडानुम् ना। नड सिनला मलिसा नेतलोक मोकोचिआ मयिडा, "डा पेम्पाक का हवा डा।³⁹मनकि खोनिनआ मोकोचिजा लकलकवा सित्वाडा रूहुप रूहुप मुनि युडसिजा इडइवा चुवानिन।⁴⁰मोकोचि भुड भुड नड डाकि-डाकिओ पेलेक्लेकवाडा तोडाकि मयुडसा।⁴¹खोनिनआ मोचि डा पेम्पाक का हवा डा लोक्कुकि निनामखिमलिप्पा खाडनि आलाडने पुवानिन का मोचि पेम्पाकचि ओराकि खेनमाछाचिजा, 'मोकोचिओ बुसित बुसित युडनि मपुने यिडाकि पुवानिन का मोको हवा डा छड खोनिनआ झाराजा हाकनि पुवानिन।⁴²नड झाराआ मचो का पाकचा मलिसा।⁴³नडः मोकोचिआ पेम्पाक का डाचिओ दाडलाचि हवापौ वाडखिप भेप्लो मकोप्ता।⁴⁴पेम्पाक चावो डाहिभुड पाचुपचि मयाआडा।⁴⁵मन्कि खोनिनआ हालेडे आनओ खेनमाछाचिजा चाःवासिडा वाडसि का हानि वेत्सैदाडा खोनिन चोडलो बुसि खातसिजा मोमेतानिन, का मोबेनतारि खोनिनआ लो मुकलाजा खायोड पुवानिन।⁴⁶नड मोकोचिसुतडा खायोड मलिसा नेतलोक खोनिन लो भुरुडा सोमफोडमाजा खारानिन।⁴⁷नमपुक ताहिडा चाःवासि साजुमाओ हुपडा याआडा, का खोनिन लो सकलुकपाडे हुड्याडा लिमानुवाडा।⁴⁸नड खेनमाछाचिजा लेपमाजा छुयुकोप लिनि युडसाओ खाडाकि, देनालो कुहुक मोकोचिओ थाडपाडा याआडा, खाखुतओ लुकालेनकलिपा खोनिन मोकोचिओया साजुमाथानि बियाडसा बानानिन का मोकोचिजा लिमनुकि खात्तवो राका मुवानिन।⁴⁹मेन मुनटोड मोकोचिआ खोनिनजा साजुमाडा बिनियुडसानिनओ मटोक्ता, मोबेन खाला ए लोनि चामलोकतुकि मपारा ।⁵⁰देनादि झाराआ खोनिनजा टोक्कुकि कोडचोनसाड लिसा, मेन खोनिन हाले मोकोचि सुत्डा चेवाकि मोकोचिजा लोवानिन, स्वमसावा चुवानुम, अडका डे एव, मानकुमाकातदानुम।⁵¹मन्कि खोनिन मोकोचिओया चाःवासिहुड्डा वाडानिन का कुहुक नाननिलेवा। नड मोकोचि थिस्वमराक्क मलिसा।⁵²देनादि मोकोचिआ पेम्पाकओ छापछोडओ दुम मानमित, मेन मोकोचिओ कोड चाउक लिसाओ याआडा।⁵³मन्कि ओह्यातनि मता नेल्लोक खोनिनचि गनेसरेतओ लुडवाडडा बानानिन, का मोकोचिआ चाःवासि वाचुक्खाडा मपाक्ता।⁵⁴नड मुनटोड खोनिनचि चाःवासि डाडका लोनतानिन, मोबेन हालेडे मनाचिआ खोनिनजा सिननि मलेवा।⁵⁵का चुवाडयोवाओ मोको सापतेनभेप्लो लोराकि खाडा खाडा खोनिन खातमा लिसाडा लोवो मएनाडा मोडा मोडा तुकयुडवाजा इमखा इमखाडाडे खुनत्ताकि खाटमा पुडसा।⁵⁶मन्कि टेनचिडा, हे इन्खावाडचिडा, हे सापतेनचिडा, खाडा खाडा खोनिन् वाडमा लिसाडा, मोकोचिआ तुकयुडवाचिजा इनखावाड इनखावाडडा मयुडसाडा का खोनिनओ सडनानओ चुक्टा ओन नोपसि पुडनने लोनि मोकोचिआ खोनिनजा ताछुकफेड मचुवाडा, का मेटलोआ खोनिनजा मनोप्ता मोकोचि झारा नुसड मलिसाडा।

7

¹फरिसि का यरूशलेमडाडका ताओ खारुडे खारुडे कायडवानचि खोनिनओया झाराझुम मलिसा¹का खोनिनओ खेनमाछाचिहुपडा खारुडे खारुडेआ चेपपा, लामिनतुप मानवासुवाओ छुकआ पेम्पाक चोओ मटोक्ता।²देनादि फरिसि का झारा यहुदिचि थाडमुथाड ओनसामि खान्नोकनिन छुक मानवासुदोनि मचानिन।³नड इनखावाड डाडका मता नेतलोक मानवाचाकदोनि मोकोचि मचानिन् । मोकोचिआ काडमायाक उसओ दुमचि बदधेका मयाआड, तामिनतुप कानचुरोचि, का भगुनाचि, का साडलाछुपवा खुडखेनचि ,पुनवो झाराका⁴मोबेन फरिसि का यहुदिचिआ खोनिनजा मसेना, खानानिनओ खेनमाछाचि देना थाडमुथाडडा मबिनिन्, मेन असेडअत छुकआ पेम्पाक मचा ?⁵खोनिनआ मोकोचिजा यिडानिन, चाकरोडच्यो यसैयाआ खानाचिओ छापछोडडा नुलोकनिन मायुडछामसु मचुवा ओटनि छापतानचिनओ याआड-⁶मोकोचि सित्तामडा अडकाओ रप मचुलुक, देनालो मनाचिओ रिदुम पादुमजा साम्योक नुमितलाम मुमेत्ति सानयड मपु।⁷खानाचि निनाममुओ इडइवाजा छिराकि मनाचिओ थापसडजा अकाड।⁸नड खोनिनआ मोकोचिजा यिडानिन, खानाचि आनओ रिदुम काडमाजा देम नेकताकनिन निनाममुओ इडइवाजा थरेमनि अपु।⁹देनालो वाछाप्याआ लोवाओ मयाआड,' आनओ पापा का मामाजा सानुवा मुवानुम, नड खोकोआ पापा मामा उवाक दुम चुलुक, मोसाजा सेरिनने।¹⁰मेन खानाचि लो अयिड "मनाआ मान पापा-मामाजा अडका डाडका दुकनुवा लिवो हेनखुवा निनाममुजा पुवानचिन लो"¹¹खानाचिआ मोसाजा मोसाओ पापा मामाओ निकि लादेड दिच छड मुमा तपुनिन्।¹²खानाचिआ काडाओ रिदुम निनाममुओ इदुम थरेम्ताकि उसओ बदधेका ओकचि खानाचि अचुलुक।¹³नड खोनिनआ मुकलाजा लादेड हाडपाडओया बुत्ताकि मोकोचिजा यिडानिन, खानाचि झाराआ अडदुम एनानुम का तुप्तानुम।¹⁴मनाडा उसओ खारुडे याक्क माट्टड खाकोआ हुदा वाडाकि मनाजा असेडअत मेटमारू, मेन मनाओ हुट्टा डाडका हुड्या तावो दुमचिआ डे.ममाजा असेडअत मेट्वो मलि।¹⁵खोक्कोओ एनवो नाबाक याआड, मोसाआ एनने।" १७ मन्कि मुकलाडाडका लोन्टाकि खिमहुडडा मवाडा नेतलोक खोनिनओ खेनमाछाचिजा खोनिनआ उसओ डोयडलाओ छापछोडडा मसेना।¹⁶देनालो हेरोद अहाडपाडआ आनओ निछाक फिलिपओ तायामा हेरोदियासओ निकि टाडकारूकचि छुत्ताकि यहुन्नाजा लापतुकि मोचिजा छेकखिमडा वाक्तुओ याआडा। देनालो खोचिआ मोचिजा याकाम्मु मुवाओ याआडा।¹⁷नड यहुन्नाआ हेरोदजा उसओ यिडाओ मयाआडा, 'आनओ निछाओ तायामाजा युडमा खानानिनजा नुलोक माननुड।'¹⁸मोचिदु माडसुड युडसाओ याआडा, का मोचिजा सेतसि लामयाडसा याआडा, मेन रूवाओ माननुडा।¹⁹देनादि यहुन्नाजा सामयोक्का का वाचोड मना लोनि चामलोक्कुकि हेरोद मोचिसुत्डा कुमाकात्ताडा का मोचिजा रात्तुकि युडसाओ मयाआडा, नड मोचिओ इदुम एनहिडा खोचि बदधेका तुकखामि लिसाडा, मेनछाड वाया सुत्डा एनाडा।²⁰हान लोइसा सुकथिड मोवाइडा बाना, मुनटोड हेरोदआ आनओ पुकलेनओ छेमालोकडा आनओ टोप्पो खारूखाहाडछाचि, मुकतलाटाडमिचि, गालिलओ अधुवा अधुवा मनाओ निकि चाचायु मपुवा,²¹का मुनटोड हेरोदियासओ आनओ मेछाछा हुड्डा ताकि लाकलुवा मोबेन् मोसाआ हेरोद नड मोडा अकनिनडा चाचायुडा युडकाबा झाराजा वाया मेटु का हाडआ मोको मेछाछाजा मयिडा, 'खानाजा नुवानुसाओ यामतोक अडकाकनिन दोरानुम का अडका खानाजा पुवोडा।'²²नड मोचिआ सिस्वदुम चोकि मोसाजा मयिडा, खाकको खाना अडकासुतडा तदोत् अडकाओ दुकेवा हाडहोन छड अडका खानाजा पुवोडा।²³मन्कि मोसाआ हुड्या लोन्तुकि आनओ मामाजा मयिडा, "अडका दि दोरूम?" मोचिआ मयिडा, "हडसानवा पुमि यहुन्नाओ टाड!"²⁴मोको मोबेन हालिफुलिकनिन हुड्डा हाडओया खाराकि उसओ यिडाकि दोरा, "खानानिनआ हानदे अडकाजा हडसानवा पुमि यहुन्नाओ टाड चाखुडडा पुवाने, लोवो अडका राकामुडा।"²⁵नड हाड धितुकखामि मलिसा, मेन मोचिआ आनओ सिस्वदुम का अकनिन्डा चाचायुडा युडकाबाचिओ निकि मोसाजा देडहुतमा राका मानमु।²⁶मन्कि हाडआ हाले आनओ राक्काबाओ अकपाड टाडकारूकजा छुत्ताकि यहुनाओ टाड बाटवो इडइवा मपुवा। नड मोसाआ छेकखिमडा खाराकि मोचिओ टाड हेक्ता²⁷नड मोचिओ टाड चाखुडडा बाटटुकि मेछाछाजा पुवा, नड मेछाछाआ मोको आनओ मामाजा पुवा।²⁸मोचिओ खेनमाछाचिआ मुनटोड ओको दुम मएना मोबेन मोकोचि ताकि मोचिओ सुपोकवा थेनतुकि सुचिन्खुम खाटुकि मयुडसा।²⁹मन्कि बुलाम्बु खेनमाछाचि देकमिओया झाराझुम मलिसा, नड मोकोचिआ दि दि मचुवा, का मचिनलुवा मोचि झारा खोनिनजा चेपयड मचुवा।³⁰नड खोनिनआ मोकोचिजा यिडानिन, खानाचि आमहाडपाडे छड छुटुक्का खोयाडखामडा बानानुम का दिच सावाएमतानुम। देनादि मोडा तावो खात्तवोचि बदधेका मयाआडा का खोनिनजा चासितारिओ फुसलिवा माननुडा।³¹नड खोनिनचि चाःवासिडा छुटुक्का अकटेट खोयाडखामडा खारानिन।³²हान मनाचिआ खोनिनचि खातनियुडसाओ मटोक्कु का बदधेकाआ मसिन्ता का झारा तालावाड डाडका लाडलाम लोकतुकि मोडा मखारा, का खोनिनजा मलिपता।³³नड खोनिन लोनहिडा

अकटेट टोप्पो मुकला टोक्तानिन का मोकोचिधानि पुनोत्तानिन, देनादि मोकोचि चानकाबा मानलिसाओ सामुवा ओटनि मयाआडा का खोनिनआ मोकोचिजा बदधेका दुमओ सालामयड पुसिलुवानिन ।³⁵मन्कि मुनटोड लेन उनभेप्लो छित्दानि चिया, मोबेन खोनिनओ खेनमाछाचिआ खोनिन्ओया ताकि मयिडा, "ओको खारोड अखोयाक याआड, का हान लेन उनभेप्लो लिमनिचिया।³⁶मोकोचिजा खायोड पुवाने, का माकोचिआ ओहयानि मोहयानिओ सोहोन का टेनचिलिप्पा खाराकि आनओ निकि दिच चामासेसि मखितने।³⁷मेन खोनिनआ मोकोचिजा यिडानिन, "खानाचिआ मोकोचिजा चासि पुवानुम।" मेन मोकोचिआ खोनिनजा मयिडा, "दि आनकान खाराकि हवाभुड दिनार मेलोओ पेमपाक खित्ताकि ओकोचिजा चासि पुम्?"

8

¹मोचि लेनडा लादेड मुकला उनखामा याआडा, का मोकोचि सुट्टा चासिजा दिच छाड माननुडा, मोबेन खोनिनआ खेनमाछाचिजा अहाडपाडेओया बुत्ताकि यिडानिन, ²"अडका ओको मुकला धानि सोमतुकडा, देनालो ओकोचि अडकाकानिन युडसाओ आई सुमाकालेन लिसा, का ओकोचि सुट्टा चामासेसि दिचछाड माट्टड।³नड ओकोचिजा आनओ खिमडा मानचाडे छुत्तोम लो लामडा डे आकतुमाग्वोड। ओकोचिखपडा खाउडे खाउडे ना माडखा डाडका बानाओ मयाआड।" "खोनिनओ खेनमाछाचिआ खोनिनजा मयिडा, 'ओडा खोयाकखाडा ओचि मनाचिजा पेम्पाकआ पाकचा चुसिजा साडआ खाइसाकिया रूउने का?'⁴खोनिनआ मोकोचिजा सेनानिन, 'खानाचि सुट्टा देमका टेट पेम्पाक मयाआड?' मोकोचिआ मयिडा 'एकटेट।'⁵खोनिनआ मोकोचिआ लुमडा युडवो इडइवा मुवानिन, का मोचि एकाटेट पेम्पाक तात्तुकि आलाडने पुनि ओरानिन, का मोकोचिओ बुसित युडनिपुविनने यिडाकि आनओ खेनमाछाचिजा पुवानिन, का मोकोचिआ मुकलाओ बुसित बुसित युडनि मपुवा।⁶मोकोचि सुट्टा दिच चुप्पो डाचि छाड मयाआडा, का खोनिनआ सायोक पुवाकि मोचि छाड मोकोचिओ बुसित बुसित युडमा लुवानिन।⁷मन्कि मोकोचिआ मचो, का पाकचा मलिसा। नड हेन्तुओ दाडलाचि मोकोचिआ एकाखेड मदुवा।⁸मोकोचि हाप्पो लुहिभुड मयाआडा, का खोनिनआ मोकोचिजा खायोड मुनि बाइसानिन,⁹मन्कि खोनिन आनओ खेनमाछाचि सुट्टा हाले चा:वासिडा वाडाकि दलमनुथाओ थुमचिडा बानानिन।¹⁰मन्कि फरिसिचि मता का खोनिनजा सुको मुवाकि सारुडगाडका अकटेट सिनछुड लामयाडसा खोनिन सुट्टा खासेनला चुसिमुलुवा।¹¹नड आनओ साकोडडा उखाम साकमा सोन्तुकि खोनिनआ लोवानिन, "ओको तालाखुकआ देना सिनछुड लामलुक? अडका खानाचिजा नुच्युड डे लोलुकडा ओको तालाखुकजा खारु डे छाड सिनछुड पुविनवोनिन।"¹²नड खोनिनआ मोकोचिजा छिरुकि चा:वासि हुडा वाडनि मोह्यातलिप्पा खारानिन।¹³नड मोकोचिआ पेम्पाक खाट्टा ममान्ताकेसा का चा:वासिडा मोकोचिसुट्टा ओन अकटेट पेम्पाक याआडा।¹⁴खोनिनआ मोकोचिजा उसओ यिडयाडसा छाक्को इडइवा पुवानिन "खानाचि फरिसिओ बोपखा का हेरोदओ बोपखा डाडका लेन्तानुम।"¹⁵मोकोचिआ लो चिढायुकडा पेम्पाक माट्टड लोनि हाडपोहाडडा लाचेपला मुमा लुवा।¹⁶देकमिआ ओको सिनला तोक्कुकि मोकोचिजा लोवानिन, "खानाचि सुट्टा पेम्पाक माननुड यिडाकि देना खानाचि लाचेपला अमुलुक ? दि खानाचि फाननु अमितनिन् ? दि खानाचिओ कोड चाउक लिसाओ डे याआड?"¹⁷मुक मलिसा मेनछाड खानाचि अटोकनिन् नड नाबाक मलिसा मेनछाड खानाचि अएन्निन, नड दि खानाचिजा मुकसिन माट्टड,¹⁸अडकाआ मुनटोड डाकाटेट पेम्पाक मोचि डाहिभुडओ खपडा ओराडाड, मोबेन देम खेड दुनवातदुन खानाचिआ अदुवाडा?" मोकोचिआ खोनिनजा मलोवा "अहवा"¹⁹नड मुनटोड मोचि एकाटेट लुहिभुडओखपडा मोबेन देम खेड दाडलाचि खानाचिआ अदुवाडा?" नड मोकोचिआ खोनिनजा मलोवा "एका"।²⁰खोनिनआ मोकोचिजा लोवानिन "दि खानाचि फाननु अतुपनिन्?" /s वेत्सैदाओ खाथेप मना /s²¹मन्कि खोनिनचि वेत्सैदाडा बानानिन नड मनाचिआ अकपाड खाथेप मनाजा खोनिनओया मटारा, का मोसाजा नोपताने लोनि ताछुकफेड मचुवा।²²खोनिनआ मो खाथेप मनाओ छुक लापुकि मोसाजा टेन्डाका हुड्या बाटटानिन का मोसाओ मुकडा थेत्तुकि मोधानि आनओ छुक युडसाकि मोसाजा सेनानिन, 'खाना दिच त टोकलुक?'²³मन्कि धानिलिप्पा खाडाकि मोसाआ मयिडा, 'अडका मनाचिजा सुडताडइसा बिनियुडसाओ टोकडा।'²⁴मोबेन खोनिनआ लादेड अमुकडा छुक युडसानिन, का मोकोआ सुकमुलुवाकि खाडा, का खुवातनि लिसा ,का झारा यामतोक ताकछेक डे टोकसिलुवा।²⁵नड खोनिनआ मोसाजा टेनडा मानवाडदामा लोनि मोसाओ खिमडा खाइसानिन।²⁶मन्कि देकमि नड खोनिनओ खेनमाछाचि सिजरिया फिलिप्पिओ टेन्चिडा बानानिन, का लामडा खोनिनजाआ आनओ खेनमाछाचिजा उसओ यिडाकि सेनानिन, "मनाचिआ अडका साड एवं लोनि मयिडलुक ?"²⁷मनकि मोकोचिआ खोनिनजा मयिडा, "हडसानवा पुमि युहना, निचिआ, एलिया, मेन निचि साडआ यामाडचिखपडा खाउडे अकपाड।"²⁸मोबेन खोनिनआ मोकोचिजा सेनानिन, "खानाचि लो अडका साड एव लोनि अयिडलुक?" पत्रुसआ लायड पुवाकि खोनिनजा मयिडा, "खानानिन निनामछेन लिमानु।"²⁹नड खोनिन्आ मोकोचिजा उसओ यिडाकि छाक्को इडइवा पुवानिन, "खानाचिआ अडकाओ छापछोडडा साडजा छाड मानलोदामा।³⁰नड मनाओ सावाछाआ बदधेका छुयुलोकमा, का पासुड बुलाम्बुचि का धियान बुबमिचि का कायडवान डाडका बुडछुनला लिमा, का सेतमान, का सुमकालेन नेतलोक लाहडसु लिमा, चाखाम याआड" लोवाकि खोनिनआ मोकोचिजा चिनलुसि लुवानिन।³¹नड खोनिनआ ओको दुम दुमछुयुकनिन लोवानिन। मेन पत्रुसआ खोनिनजा अकलिप्पा खाट्टुकि थोपसिमपुडसा।³²मेन लासुकि खोनिनआ आनओ खेनमाछाचिजा खाडाकि पत्रुसजा उसओ यिडाकि थोपतानिन, सुलावा, अडकाडका खाछितनि खारे, देनादि खाना निनाममुओ माआड मेन मनाचिओ दुमडा इकमा पुहिडा तयुडयाछा।³³नड आनओ खेनमाछाचिओ सुट्टा मुकलाजा हाडपाडोया बुत्ताकि खोनिनआ मोकोचिजा लोवानिन, 'खाउडे मना अडदेडसु बानसि मिनमासा चुलुक लो, मोसाआ हाडपाडजा बुडछुनला मुने, का चिडलाक थेनतुकि अडकाओ देडसु वाडने।'³⁴देनादि खोक्कोआ आनओ हाडमाड रातओ मिनमासा चुलुक, मोसाजा मोको मासुवोड का अडकाओ नड नुसानामओ निकि आनओ हाडमाड मासुवोआ मोको रातवोड।³⁵देनालो मनाआ झारा धाधारड छुककोडतुकि आनओ हाडमाड लो मासुवा लो मोसाजा दि दुक्नुवा नु?³⁶देनादि मनाआ आनओ हाडमाडओ पिपेनडा दि पुमारु? देनादि ओको राकयाडवा का दाखोडवा तालाखुकडा खोक्को अडका नड अडकाओ इदुम डाडका सिसुवाकात्, मनाओ सावाछा छाड आनओ पापाओ नुसानुवाडा वाचोड याकेन्हा चिसुट्टा बानहिडा मोको डाडका सिसुवाकातवोड³⁷देनादि ओको राकयाडवा का दाखोडवा तालाखुकडा खोक्को अडका नड अडकाओ इदुम डाडका सिसुवाकात्, मनाओ सावाछा छाड आनओ पापाओ नुसानुवाडा वाचोड याकेन्हा चिसुट्टा बानहिडा मोको डाडका सिसुवाकातवोड

9

¹नड खोनिनआ मोकोचिजा लोवानिन, 'अडका खानाचिजा नुच्युडे लोलुकडा, ओडा एवानचिनओचिखपडा साड साड मयाआड खोकोआ निनाममुओ हाडहोनजा साएराडडा ताओ मान्खाडइनलोक तारि खाउ डे माइआ सुवाललोडओ दुतछुप तोकवो माननुड।²तुकालेन नेतलोक देकमिआ पत्रुस, याकुब का युहन्नाजा अकनिनडा तारानिन, का मोकोचिजा अकटेट टोप्पो भुरूडा खाटानिन, का मोकोचिओ बुसित खोनिनओ युपा फानतु।³नड खोनिनओ टिटखानचि छोकछोकवो का धिओमचुक मलिसा, उसओ हे, हेन्खामाडा साड धापकाबाआ मुसओ ओमचुक मेत्मा रनिन।⁴नड मोडा वाछाप्यासुट्टा एलिया मोकोचिओया यादारा, का मोकोचि देकमि सुट्टा दुम मुनियुडसाओ मयाजाडा।⁵पत्रुसआ देकमिजा मलोवा, रूमु, आनकानजा ओडाडे युडमा नुलोक याआड, नड आनकान ओडा सुमकाटेट याक्सा मेत्तोमेन, अकटेट खानानिनओ निकि, अकटेट वाछापपाओ निकि का अकटेट एलियाओ निकि।⁶देनादि दि यिडवो लोनि मोचिआ मानले, देनालो मोकोउनखामा कुमाकाराओ मयाआडा।⁷नड मोकोचिजा लाछामि मुलुत्ताकि मोडा अकटेट युवारि बाना, का युवारि डाडका अकटेट डोसाडला लोन्ता "खीचि अडकाओ स्वावा सावाछा मए, खानाचिआ खोनिनओ इदुम एनानुम।"⁸नड हाले चुवाडयोवा खाडहिडा मोकोचिआ आनओ अकनिन्डा देकमि लेटका, लादेड निचि साडजा ममानटोक।⁹मन्कि खोनिन भुरूडका इहिडा खोनिनआ

मोकोचिजा उसओ यिडाकि छाक्को इडइवा पुवानिन, 'खानाचिआ खाकको अटोक्ता मनाओ सावाछाओ लाहडसु मानलिसइन्लोक तारि मोको साडजा छाड मानलोदामा वै।'¹⁰मोकोचिआ लाहडलेन यिडाओ दि ए लोनि हाडपोहाडडा ओकोडे सानुड लोक्कुकि दुममुमा मलुवा।¹¹नड मोकोचिआ खोनिनजा उसओ यिडाकि मसेना, 'बुसि एलिया बानमा डोट लोनि यडवानमिचि देना मयिड,¹²नड नुचुड डे ए, एलिया बुसि मबान् का झारा चाकखिम मसाडसेन नड मनाओ सावाछाओ छापछोडडा खाइसाकिया खोसाजा बड्केका दुमडा छुपुकुपमा का असाओ दोकमान डोट, यिडाकि छापानचिन याआड लोनि खोनिनआ मोकोचिजा लोवानिन।¹³मेन अडका खानाचिजा लोडा एलिया बात्रिचियाओ याआड, नड मनाचिआ खोसाओ छापछोडडा मछापानचिन खुवाल्नि मोकोचिओ नुडनुलो दुम खोचि धानि मुनिचियाओ मयाआड। /s खाला वाडाओ एलोक्छा /s /p¹⁴नड मुनटोड खोकोचि खेनमाछाचिओया बानानिन, मोबेन अकटेट टोप्पो मुक्ला मोकोचिओ चुवाडयोवा युडाओ का यडवानमिचिआ मोकोचिजा खासेन सेननियुडसाओ टोकतानिन।¹⁵मन्कि झारा मुक्लाआ खोनिनजा टोकमुसा धिनाकाक मकाडा, का खोनिनओया लोराकि खातनि सायालोड मचुवा।¹⁶खोनिनआ मोकोचिजा सेनानिन, खानाचि खोचिसुट्टा दि खासेन अचुलुक?¹⁷मुक्लाओ अकपाडआ खोनिनजा लायड मपुवा, रूमु, अडकाआ मे: वा खाला साकोड वाडाओ अडछाजा खानानिनओया बाटटाओ याआडाड।¹⁸मोकोआ मोसाजा खाडडा फेम्प्याक डुडनिलेयाक मोसाआ बोसोमपोत् का कुडजोड साड का दोम्।अडकाआ खानानिनओ खेनमाछाचिजा मोको लातनिपुने लोउड मेन मोकोचिआ ममानरू।¹⁹मोबेन खोनिनआ मोकोचिजा लायड पुवाकि यिडानिन, 'योकोममिन्वा तालाखुक, अडका देमतारि खानचिसुट्टा युडवोडा का? खानाचिजा देम आडउम? ,मोसाजा अडकाओया बाटानुम्।²⁰मोकोचिआ मोसाजा खोनिनओया मबाटटा। खोनिनजा खाडमुसा मोको खाला साकोडवाओ गोडलोक्कु का मोको लुमडा वेन्तानचिन बोसोम पोत्याडसा यालिमतालिम मुवा।²¹खोनिनआ मोसाओ पापाजा सेनानिन, 'देमखाडका मोसाजा ओको लिसाओ ए?' मोचिआ मलोवा सिसुमवाड दाडका डे।²²नड मोसाजा युनला मुसिजा खप्पाकखप मोकोआ मोसाजा मिडा का चा:वाडा छाड वेत्तुओ याआडा, खोनालो खानानिनआ दिचछाड मुमा रूमानु लो आनकानधानि पुनोत मुनि नुनोतला मुवाने,²³देकमिआ मोसाजा लोवानिन, 'खानाआ डे तर लो मक्कुम् मुकाबाओ निकि ना झारा यामतोक कारुयाक याआड।'²⁴मोबेन चकनि छाओ पापाआ पात्तुकि मयिडा, 'अडका मकतुम मुडा, अडकाओ योकोममिनजा फामासि मुवाने।'²⁵मन्कि मुक्ला झाराडे लोटनिताओ टोक्कुकि खोनिनआ मोको असडअत साकोडजा उसओ यिडाकि योपानिन, "एई क:वा नड मे:वा साकोड, अडका खानाजा इडइवा मुडा, मोछाडका लोन्तुकि बाने, नड लादेड देमखा छाड मोहुडडा मान्वाडदे।'²⁶मन्कि रिखापतुकि मोसाजा गोडतुकि मोको लोन्ता का मोको दुकपाछा सुवाइसा लिसा, उनतारि हे बदेकपाडआ मोको सुवा लोनि मलोप्ता।²⁷मेन देकमिआ मोसाओ छुक लाप्तुकि छुट्टुक्का थिनतानिन का मोको पोक्कु।²⁸नड मुनटोड खोनिन खिमडा बानानिन मोबेन खोनिनओ खेनमाछाचिआ खोनिनजा उसओ लोनि मसेना, "आनकानआ मोसाजा देना लातमा रूमिडन्?"²⁹खोनिनआ मोकोचिजा लोवानिन ओको माइओ लो सोमफोडला लेटका निचि खाउडे सुमत्तुमआ लोनमा रूनिन।³⁰मन्कि मोडाडका लोन्तुकि खोनिनचि गालिल लिप्पा खारानिन, का साडआ छाड मानसिनने लोवो खोनिनओ मिनमासा याआडा।³¹देनादि खोनिनआ आनओ खेनमाछाचिआ उसओ यिडाकि सानयड पुमा लिसाडा, 'मनाओ दुवाछा मनाचिओ छुकडा पाडपाक्वोड ,का मोकोचिआ खोसाजा मसेत्त्वोड, का मसेरानचिन नेतलोक सुमका लेन देडडा लादेड थिन्वोड।'³²मेन ओको लोयडला मोकोचिआ मानतुप् का खोनिन सुट्टा सेनमा मकुमाकारा। /s नोऔलाओ सान्यड /s / p³³मन्कि खोनिनचि कर्फनहुमडा बानानिन, का खिमडा लिहिडा खोनिनआ मोकोचिजा सेनानिन, 'लामडा खानाचिआ दि मिन्फाकमिन मुनियुडसाओ अयाआडा?'³⁴मेन मोकोचि वाड:या मयुडा, देनादि लामडा मोकोचिआ साड टोप्पो लोनि हाडपोहाडडा दुम मुनियुडसाओ मयाआडा।³⁵मोबेन युडाकि खोनिनआ हवापोपाडजा बुत्तानिन, का मोकोचिजा यिडानिन, 'साड मना बुसि लिवो राका चुलुक लो, मोको झारा चोडलो थैन्यु का झाराओ याडसुमि लिवोड।'³⁶नड अकपाड चुप्पोछाजा लोक्कुकि खोनिनआ मोसाजा मोकोचिओ हुपडा युडसानिन, का मोसाजा छाकेन्हाडा लोक्कुकि खोनिनआ मोकोचिजा लोवानिन,³⁷'खोक्कोआ मुसओ चुप्पाड छाचिखपडा अकपाडजा अडनुडडा देडहुतला मुउने, मोसाआ देडहुत्ताडवोड का खोक्कोआ देडहुत्ताडउने मोसाआ अडका माआड मेन छुत्ताडमिजा देडहुतला मुलुक।³⁸युहन्नाओ खोनिनजा मयिडा, 'रूमु अकपाडआ खानानिनओ नुडडा खालाचि लातनियुडसाओ आनकानआ टोक्कोम, नड आनकानआ मोसाजा मानेमिन मुडन, देनादि मोको आनकानओ देडसु लुनिन याआडा।'³⁹मेन देकमिआ यिडानिन, 'मोसाजा मानेमिन मानमुए, देनादि अडनुडडा साएराडओ ओक मुवोआ हाले अडउतनुड चुमारुवोनिन।⁴⁰देनादि खोक्को आनकानओ यडछितलाडा माननुड ,मोको आनकानलिप्पा याआडा।⁴¹देनालो खोक्कोआ खानाचि निनामछेनओ अए, लोवाकि खानाचिजा अक कनचुरो चा:वा दुडमा पुउने, अडका खानाचिजा नुचुड डे लोलुकडा, मोसाआ खाउ डे माइआ आनओ उनमाला मासुवो माचुड।'⁴²नड खोक्कोआ अडकादु मकतुम मुवो चुप्पाडचिखपडा अकपाडजा साकबाय पुउने, मोसाओ निकि ना हेनाक अकटेट बड्केका चाचेमलुड मोसाओ पोटडा कुडताकि साजुमाडा वेतनिपुमा मोसाओ निकि खान्नो लिहिडा ए।⁴³नड आमछुकआ खानाजा साकबाय पुलो मोसाजा धेतनिपुए, हवाछुक लिसाकि खामारेनओ मानसेक मिडा खातमा जोडलो ना लाडभाडजा लिसाकि अयामडा वाडमा खानाओ निकि खान्नो ए।⁴⁴खाडा मान मोकोचिओ भेवा मसुयाक नड मान मि सेतलुक।⁴⁵नड आमलाडआ खानाजा साकबाय पुलो मोसाजा धेतनिपुए, हवालाड लिनि खामारेनडा वेतमा चोडलो ना पेसोला लिसाकि अयामडा वाडमा खानाओ निकि नुलोक ए।⁴⁶खाडडा मान मोकोचिओ भेवा मसुयाक नड मान मिसेकलुक।⁴⁷नड आनअमुकआ खानाजा साकबाय पुलो मोसाजा लात्तुकि केनिपुए, का हवाअमुक लिसाकि खामारेनडा वेतमान चोडलो ना अकअमुक लिसाकि निनाममुओ हाडहोनडा वाडमा खानाओ निकि नुलोक ए।⁴⁸खाडडा मान मोकोचिओ भेवा मसुलुक नड मान मि सेक।⁴⁹देनादि उकताउक मना मिआ साडनुवा मेत्तिनवोड।⁵⁰युम खान्नो ए, मेन युम वाचेक लिसा लो मोको दिआ दुतछुल्पो मुमेत्त्वो? हाडपोहाडडा युम युडसानुम का हाडपोहाडडा तोडनियुडानुम।

10

'मोडाडका थिन्तुकि खोनिन इताडकु होडकुओ ह्याउलिप्पा यहुदियाओ चोमसिनचि हुड्डा बानानिन। मुक्लाचि लादेड खोनिनओया झाराड्युम्मा मलिसा; नड आनओ सुडसेनवाल्नि लादेड खोनिनआ मोकोचिजा सानयड पुसिलुवानिन।¹नड फरिसिचि खोनिनओया ताकि खोनिनजा सुको मुवाकि मसेना, 'दि साड मनाआ आनओ तायामाजा लेटमा नुलोक याआड?'²खोनिनआ मोकोचिजा लायड पुवाकि लोवानिन, मोसाआ खानाचिजा दि इडइवा पुवाओ मयाआड?'³मोकोचिआ मलोवा, 'अकटेट, लेटमाछाप छापुकि लेटमा लोनि देडहुतवारि पुवाओ मयाआड।'⁴मेन देकमिआ मोकोचिजा लोवानिन, 'खानाचिओ कोडओ चाउकलाआ मुहिडा खोचिआ खानाचिजा ओको इडइवा छापनिमपुवा।⁵छावनछाओ पुडलाडका खोनिनआ मोकोचिजा हाडछा- हाडछामि मुनि मेतानिन।⁶ओसुन्दुम मनाआ आनओ पापा का मामाजा छिराकि आनओ तायामासुट्टा तोडनियुड, '⁷नड मोचि हवापाड अकपोक डे मलिवोड, का मोकोचि लादेड हवा ममाआड मेन अकटेटडे साएमपोक मलि।⁸ओसुन्दुम निनाममुआ खोकोजा अकसुट्टा कामतानिनओ याआड, मनाआ, मानफोकदाने।'⁹नड खिमडा खेनमाछाचिआ लादेड ओको सानुडडा खोनिनसुट्टा मसेना।¹⁰खोनिनआ मोकोचिजा लोवानिन, 'खोक्कोआ आनओ तायामाजा छिराकि हाउसोसुट्टा याकाम्मु मुवोड, मोकोआ मोसाओ उसादाकडा राकयाडला मुलुक।¹¹नड मोको उहाडपाडआ आनओ सायापाजा छिराकि हाउसोसुट्टा याकाम्मु मुलुक लो ना, मोसाआ डे राकयाडला मुलुक।'¹²मनाचिआ चुप्पाड छायाडछाचिजा, खोनिनआ मोकोचिजा नोपनिपुने लोवो निम्पिआ खोनिनओया मबाटटा, मेन खेनमाछाचिआ मोकोचिजा महेनता।¹³मेन ओको टोक्कुकि देकमि छेमानुत लिसानिन का मोकोचिजा लोवानिन, चुपपाड छायाडछाचिजा अडकाओया बानसि पुवानुम, मोकोचिजा माननान्तानुम, 'देनालो निनाममुओ हाडहोन मुसओचिओडे ए।'¹⁴अडका खानाचिजा नुचुड डे लोलुकडा, खोक्कोआ निनाममुओ हाडहोनजा चुपपाड एलोछाआ ओटनि काडलेन मानचुउने, मोको दिमुछे मोहुडडा मानवाडवोड।'¹⁵मन्कि खोनिनआ मोकोचिजा छाकेन्दा तारूकि मोकोचिधानि आनओ छुक युडसाकि सायोक पुवानिन। /s अथेनअत अयाम /s /p¹⁶खोनिन लामडा खातयाडसा मुहिडा अकपाडआ लोरूकि तानि खोनिनओ बुसित

लाडतुमफु नेप्टुकि खोनिनजा सेना, "धिवाड रूमु, सानलेप अयामओ पाडयि लिमाजा अडकाआ दि चुमा डोट?"¹⁸देकमिआ मोसाजा लोवानिन, 'खाना देना धिवाड तलोडाड, अक तामिनतुप निनाममु लेटका निचि साड छाड धिवाड माननुड।¹⁹खाना इडइवाचि ना तसिनलुक, सेतसु मानमुदामा, राकयाडला मानमुदामा, मानखुदामा, मुपसाड सिनलेमु मानपुदामा, लुलेन मानछाकछेनदामा, आनओ मामा-पापाजा सानुवासात्मा।²⁰मन्कि मोसाआ खोनिनजा यिडा, "रूमुहाड, ओचि झारा ना अडकाआ अडकाओ छामु डडकाडे काडलेन मुवाओ डे याकडा।"²¹देकमिआ मोकोदु अमुक मुनि मोसाजा सोम मुवाकि लोवानिन, 'खानाजा फाननु अक्टेट दुमओ माडुडलोक याआड, खारानुम का आमनो खाक्को मेल्लो मयाआड इन्तानुम, का छुयुकुपाचिजा पुवानुम, मन्कि खानाआ सारुडगाडा खाबालुड ततोक्वोड, का ताकि अडकाओ देडसिलुवानुम्।'²²मेन ओको दुमओ मोसाओ नापडुडता, का मोको तुक्खामि लिसाकि खातनिलेवा, देनालो मोको बद्धेका खाबालुड लिसाओ मना याआडा।²³मन्कि चुवाडयोवा खाडाकि देकमिआ आनओ खेनमाछाचिजा लोवानिन, 'लुडलिचि खासओ चरकवा सुत्ता निनाममुओ हाडहोनहुडा मवाड।'²⁴नड खेनमाछाचि खोनिनओ मोचि दुमडा नाकाक् मलिसा। मेन देकमिआ मोकोचिजा लोवानिन, 'एलोकछा च्यो, खाबालुडधानि ताडखोड युडकामिचिजा निनाममुओ हाडहोन हुट्टा वाडमा खाडसुओ चरकवा याआड।'²⁵लुडलि मना निनाममुओ हाडहोन हुट्टा वाडमा लोहिडा ना हेनाक लुपमिओ लुपकडाडका देडकोडपाजा चोडसि नेकता याआड।²⁶मोबेन साड हडनुमरू ? लोवाकि मोकोचि हाडपोहाडडा दुममुयाडसा बद्धेडे स्वमराक मकाडा।²⁷देकमिआ मोकोचिधानि अमुक मुनि लोवानिन, 'मनाचिजा ओको अतकारूयाक याआड, मेन निनाममुजा ना माआड, देनादि निनाममुजा झारा कारूयाक नु।'²⁸पत्रुसआ खोनिनजा लोमा लुवा, 'खाडाने आनकानआ सिरिसाएताममा छिरोम, का खानानिन्ओ देडसि लुवाओ याडन्का।'²⁹देकमिआ लोवानिन, 'अडका खानाचिजा नुच्युड डे लोडा, 'खोककोआ अडकाओ निकि खिम हे बुबु निछा हे नाना फेडमामा, हे मामा, हे पापा हे छाचि, हे खारोड थाम्पुक छित् ³⁰मोसाआ ठिनसुओ अकनिन्डे भुडफसमि बद्धेका खिमचि का बुबु निछाचि का नाना फेडमाचाचि का मामाचि, का एलोकछाचि का खारोड थाम्पुकचि हान्दे मोवाइडाडे तोकवोड का तावो बुलुहुतडा सानलेप अयाम।³¹नड बद्धेका बुसित लिवोचि देडसि का देडयाक्को लिवोचि लो बुसि मलिवोड।'³²हान खोनिनचि यरूशलेमलिप्पा लामडा वाडनियुडमा लिसाओ मयाआडा, नड देकमि मोकोचिओ बुसित बुसित खान्तियुडसानिनओ याआडा, का मोकोचि स्वमराक लिसाकि खोनिनओ देडसु देडसु कुमाकाराकि बियाडसा मयाआडा। हाले खोनिनआ अकहवापाडजा लादेड अकलिपा खाटटाकि उहाडपाडधानि डोट्नितावो दुमचि उससो यिडयाडसा मोकोचिजा एनमेत्मा लुवानिन, ³³'खाडानुम, आनकान यरूशलेमलिप्पा वाडनियुडसाओ याडन्का, का मनाओ सावाछा धियान बुबमिचि का यडवानमिचिओया पाडपाकवोड, का मोकोचिआ खोसाजा सुमेकसन मपुवोड, का निसामचिओया पाडपाकनि मपुवोड, ³⁴नड मोकोचिआ खोसाजा स्यावारि मचुवोड, का खोसाजा मथेतवोड, का खोसाजा रमफकआ मधातवोड, का खोसाजा मसेतवोड नड सुमकालेन नेतलोक खोको लादेड खोडवोड।'³⁵जब्दिओ हवापाड सावाछाचि, याकुब का युहन्ना खोनिनओया ताकि उसओ मयिडा, 'रूमु, उडकाचि खानानिन सुतडा खाकको दोतवोडचि, खानानिनआ अडकाचिओ निकि मुनि पुवाने लोवो अडकाचि मिनमासा मुवाचि।³⁶खोनिनआ मोकोचिजा लोवानिन, 'खानाचिओ निकि अडका दि चुउम, लोवो खानाओ राका तयाआडचि?' ³⁷मन्कि मोकोचिआ खोनिनजा मयिडा, 'खानानिन धिनुमसडडा आनकानचिडा अकपाड खानानिनओ चुपचुछुक लिप्पा का हाउसोआ बेडवाछुकलिप्पा युडमा तोकवो उडकाचिजा देडहुतवारि पुवाने , ³⁸मेन देकमिआ मोकोचिजा उसओ लोवानिन, 'खानाचि दि तदोतलुकचि, मोको खानाचि तलेनिनचि। दि खाक्को कान्चुरो अडका दुडडा, मोको खानाचि दुडमा तरूचि? हे खाक्को हडसानवा लोकतुओ याकडा, दि मोको हडसानवाआ खानाचि हडसानवा लोकमा तरूचि? ³⁹मन्कि मोकोचिआ खोनिनजा मलोवा, "उडकाचि रुचि"। देकमिआ मोकोचिजा लोवानिन, "खाक्को कानचुरो अडका दुडडा, मोको खानाचि तदुडवोडचि का खाक्को हडसानवा अडकाआ लोकतुओ याकडा ,मोको ओतमावा खानाचिआ तलोकवोडचि ⁴⁰मेन अडकाओ चुपचुलिप्पा का अडकाओ बेडसुलिपपा युडसि पुमा लो अडकाआ पुवो माआड, ओको ना खोक्को खोक्कोओ निकि छुमचुम लिनियुडसाओ याआड मोकोचिओ डे निकि ए।,"⁴¹मोको एनाकि पौकापाडे याकुब का युहन्ना सुत्ता महुकता ⁴²मोबेन देकमिआ मोकोचिजा अहाडपाडओया बुत्ताकि लोवानिन, 'खानाचि अलेलुक, हे निरडचिडा हाडमुयाड मुवोचि मोकोचिधानि थामपुकसाया मचुलुक, का मोकोचिओ टोपाड टोपाडचिआ ओलाक मोकोचिडा कोपरुयड मयाडलुक।⁴³मेन खानाचिडा ओलाक उसओ नुनिन, मेन खोक्को खानाचिडा टोप्पाड लिवो राका मुलुक, मोको खानाचिओ खाडसुमि लिवोड। ⁴⁴खोक्को खानाचिडा बुसि लिवो राका मुलुक, मोको खानाचि झाराओ रोपधामवा लिवोड। ⁴⁵देना लो मनाओ सावाछा रोपधाम लोकमा माआड मेन रोपधाममुमा, का बद्धेकाओ सेममालाओ निकि आनओ हाडमाड पुमा ताओ ए। खाथेप बर्तिमे⁴⁶मुनटोड खोनिनचि जेरिकोडा बानानिन, का खोनिन आनओ खेनमाछाचिओ का टोप्पो मुक्ला सुत्ता जेरिको डाडका लोनहिडा तिमेओ सावाछा बर्तिमे अकपाड खाथेप दोतकाबा, लामओ चुकडा युडनियुडसाओ आआडा, ⁴⁷मोबेन नासरतओ देकमि लिमानु लोवो एनुकि मोको पाराकि यिडमालुवा, 'देकमि, दाउदओ सावाछा,अडकाधानि पुनोतवा चुवाने।'⁴⁸नड मोको वाडःअया लिने यिडाकि बद्धे कापाडआ मोसजा मथोपता, मेन मोको फाननु टोप्पो डोसाडलाडा पातमा पुडसा, "दाउदओ सावाछा, अडका धानि पुनोतवा मुवाने"⁴⁹हाले देकमि चोकेप्पा एवानिन का लोवानिन, 'मोसाजा बुत्तानुम।' मन्कि मोकोचिआ मोको खाथेपवाजा उसओ यिडाकि मबुतता, 'टाडखोड मुए, पोकते, खोनिनआ खानाजा बुत्ता लियाड।'⁵⁰नड आनओ बोपछुम केसाकि फिनयाडसा मोको देकमिओया बाना,⁵¹देकमिआ मोसाजा लोवानिन, "अडका खानाजा दी मुम लोवो खाना राका तचु?" खाथेप मनाआ खोनिनजा यिडा, "रूमु, अडका मुक्खाड तोकतुम" , ⁵²नड देकमिआ मोसाजा लोवानिन, 'आमनो लाम वाडानुम, आमनो मकतुमआ खानाजा चावापा मेत्तुओ याआड।' मोबेन मोसाआ मुक्खाड तोकतु का लामडा खोनिनओ देडसु देडसु लुवा।

11

'मुनटोड खोनिनचि यरूशलेमओ चुकडा जैतुन भुरूडा बेथफागे का बेथानि लोवो खारोडडा ताबानानिन, मोबेन खोनिनआ आनओ खेनमाछाचिखपडा हवापाडजा उसओ लोवाकि छुत्तानिन 'खानाचिओ बुसितओ टेनडा खारानुम, का वाडदावाडहिडा डे खानाचिआ हान्देतारि खाउडे मना मानवाडाओ खुडवाछा अधितवोड, मोसाजा हुलुडताकि बाटानुम। ³साडआ खानाचिजा, 'उसओ देना अचुलुक?' यिडा लो, हाएसिजा ओकोओ चाखाम डोरासो याआड, का खोनिनआ लादेड चकनि ओडा छुत्ति पुमा लिवोड' लोवानुम। ⁴मोबेन मोकोचि मखारा, का खुडवाछा बुडया चुप्लामडा हुडयालिप्पा लाटिखोड चुकडा छुम्तानओ मधित्ता, का मोसाजा महुत्ता। ⁵मोडा एवानओचिखपडा साड साडआ मोकोचिजा मयिडा, 'खुडवाछा हुत्ताकि खानाचि दि अमुयाड?' ⁶मोबेन मोकोचिजा देकमिआ यिडानिन खोवातनि मुनि मोकोचिआ मयिडा, का मोकोचिआ खाटसि मपुवा।⁷मोकोचिआ खुडवाछाजा देकमिओया मबाट्टा, का मोकोचिओ बोपछुमचि मोको धानि युडनि मपुवा, का खोनिन मोकोधानि हाडकोनवा मलिसा। ⁸नड बद्धेकापाडआ आन- आनओ बोपछुमचि का निचिआ टेम्माखाओ सुम्बाकचि हेत्ताकि लामडा मथुडसा।, ⁹नड बुसि बुसि बिवो का देडसु देडसु बानवोचि उसओ लोयाडसा मपारा, होसन्ना, सायोकसाड मोचि, खोक्को निनाममुओ नुडडा बान्मानु। ¹⁰सायोकसाड मोको तावो हाडहोन, आनकानओ पापा दाउदओ डे हाडहोन, सारूडगाडा होसन्ना।¹¹खोनिन यरूशलेमडा माडखिम हुड्डा वाडानिन, का चुवाडयोवा झारा यामतोकधानि खाचोपतानिन नेतलोक माअत्ता लिसाओ लिहिडा, हवापाडेओ अकनिन्डा खोनिन बेथानिडा खारानिन। ¹²माडकोलेन्दु खोनिनचि बेथानिडका बानमा लिहिडा खोनिन साकारडानिन।¹³नड माडखाडा सुम्बाक लिसाओ अक्टेट वासिखुकमाकओ सुडताड टोक्ताकि खाटनिडे मोसाडा दिच तोकडा हे यिडाकि खोनिन खारानिन, मेन मोडा मता नेतलोक खोनिनआ सुम्बाक लेटका दिचछाड तोकमा- मानलि, देनादि मोवाइडा वासिखुकमाकओ मुयाकला माननुडा। ¹⁴मोबेन खोनिनआ मोसाजा लोवानिन, 'हानडव्यातनि खानाओ सिवा साडछे मनाआ मानचादाने।' खोनिनओ खेनमाछाचिआ ओको मएना।¹⁵नड खोनिनचि यरूशलेमडा बानानिन, का खोनिन् माडखिम हुड्डा वाडाकि माडखिमडा इनकाबा का खितकाबाचिजा हुड्डा लातसि लुवानिन, का बाटकाबाचिओ छापबुडचि का कुडवा इनकाबाचिओ युडखा खोनिनआ लिमनि पुवानिन।¹⁶खोनिनआ साडजा खाउडे खुडखेन माडखिम हुड्डाडका खाटसि पुमा मानलि।¹⁷नड खोनिनआ

सानयड पुवाकि मोकोचिजा लोवानिन, "दि उसओ छापतानचिनओ माननुड, उडखिम झारा रावाचिओ निकि सोम्फोडलाओ खिम् दारावोड? मेन खानाचिआ ना ओकोजा डापकाबाचिओ बुकताड मेत्ताओ अयाआड।" ¹⁸नड अधुवा अधुवा बुबमिचि का यडवानमिचिआ ओको एनाकि खोनिनजा खाइसाकिया युन्त्ता मुडने लोनि सुमतुम मलामा, देनालो मोकोचि खोनिन सुट्टा मकुमाकाराडा। देनादि झारा मुकलाआ खोनिनओ सानयडडा स्वमराक काडाओ मयाआडा। ¹⁹नड नाम्पुक लिहिडा खोनिन तालावाड हुइया लोन्तुकि खारानिन। ²⁰२० नड वायाड मोडाडका खात्ता लिहिडा खोनिनचिआ मोको वासिसुकमाकओ सुडताडजा भेनडाडकाडे सिपुओ टोकतानिन। ²¹नड मुनटोड पत्रुसजा मुकसिनमा लिसा, मोबेन मोचिआ खोनिनजा मयिडा, 'रूमु, खाडाने, खानानिनआ यासान्ला पुवानिनओ वासिखुकमाकओ सुडताड ना सिप्तायाछा।' ²²देकमिआ मोकोचिजा लायड पुवाकि लोवानिन, 'निनाम्मुडा मकतुम युडसानुम।' ²³अडका खानाचिजा नुच्चुडे लोलुकडा खोक्कोआ ओको भुरुजा खाना उक्ताकि साजुमाडा वेतनि' लोम्ने, का आनओ कोडरिडडा देम छड मिनछेन मुनिन, मेन उहाडपाडआ यिडाओ दुम अछड लिमा ता लोवो मकतुम चुलो, मोसाजा मोको लिवोड। ²⁴ओसुन्दुम अडका खानाचिजा लोडा, झारा यामतोक खोक्कोओ निकि खानाचि सोमफोडला अचुलुक, का अदोत्तुक मोको तोक्ताओ अयाआड लोवो मकतुम युडसानुम, का मोको खानाचिआ अतोक्वोड। ²⁵नड मुनटोड खानाचि सोमफोडला मुवाकि ठानठुक अलि, मोबेन साडओडे उसादाकडा खानाचिओ दिच याआड लो नुनाम्लानुत मुवानुम का सारुडगाडा लिमानुवो खानाचिओ चापाआ छड खानाचिजा खानाचिओ हआदोड नुनाम्लानुत मुमा लिवोड। ²⁶मेन नुनाम्लानुत अमुनिन लो ना, सारुडगाडा लिमानुवो खानाचिओ पापाआ छड खानाचिओ हआदोड नुनाम्लानुत मुमा लिवोनिन। ²⁷नड लादेड खोनिनचि यरूशलेमडा बानानिन का खोनिन माडखिमडा बिकोन्नि युडमा लिहिडा अधुवा बुक्काबाचि यडवानमिचि का खोक्पा बुलाम्बुचि खोनिनओया मवाना। ²⁸मोकोचिआ खोनिनजा मयिडा, 'खाउ कोपरूयुडआ खाना ओचि ओक तचुलुक? नड ओचि ओक मुमा खानाजा साडआ कोपरूयुड पुवा?' ²⁹मोबेन देकमिआ मोकोचिजा लोवानिन, 'अडका खानाचिआ अकटेट दुम सेनडा का खानाचिआ, मोसाओ लायड पुवाडनुम का अडका दि कोपरूयुडआ ओचि ओक मुडा मोको खानाचिजा लोवोडा।' ³⁰युहन्नाओ ओतमावा सारुडगा डाडका लिसाओ हे मनाचि डाडका? लायड पुवाडनड।' ³¹मोबेन मोकोचि उसओ यिडयाडसा हाडपोहाडडा तुक्वातुप मुमा मलुवा, सारुडगा डाडका लोइनने लोना खानाचिआ खोनिनदा देना मकतुम अमानचु? लोनि खोनिनआ मलोवोड ³²मेन मनाडका लोइनने लो मोकोचि हाडछामि डाडका मकुमाकाराडा देनादि झाराआ युहन्नाजा नुच्चुड डे यामाड लोनि मलोप्ताडा।' ³³मोकोचिआ देकमिआ लायड पुवाकि मयिडा, 'आनकानजा सिनला माट्टड'। हाले देकमिआ मोकोचिजा लोवानिन, 'अडका छड खाउ कोपरूयुडआ ओचि ओक मुडा, मोको खानाचिजा लोनुडा।'

12

'मन्कि खोनिनआ मोकोचिजा डोयडलाडा लोसि लुवानिन, 'अकपाड मनाआ यमसिखा पात्तुकि मोसाओ चुवाडयोवा तामसे ममेत्ता, का आःवासुड मपोन्तुवा, का अकटेट खाचोपखा मेत्ताकि खारूमिचिजा मोको खाछोनलुडडा पुवाकि नियुडखा मखारा।' यमसिवा कुप्पो वाइदा मोचिआ अकपाड खाडसुमिजा खारूमिचिओया यमसिखाओ दिच सिवाचि मोचि खारूमिचि डाडका टाटसि लोनि मछुत्ता।' ²मेन मोकोचिआ मोचिजा लाप्ताकि मधात्ता, का उहुपछुक मछुत्ता।' ³नड लादेड मोचिआ मोकोचिओया हाउसो खाडसुमिजा मछुत्ता, का मोकोचिआ मोको ओलाकओ टाड मकेरा का मोसाजा मिनअत मचुवा।' ⁴मोचिआ हाउसोजा मछुत्ता, का निचि बदधेका पाडजा छड मछुत्ता मेन् मोकोचिआ साडजा मधात्ता का साडजा मसेरा।' ⁵मोचिओ हान अकपाड ओन याआडा मोचिओ स्वमपोवा सावाछा। मोकोचिआ अडसावाछाजा ना सानुवा अछड मचुवोड यिडाकि झारा चोडलो देडसु मोचिआ ओकोडेजा मोकोचिओया मछुत्ता।' ⁶मोबेन मोचि खारूमिचिआ हाडपोहाडडा मयिडा, "ओको ना पाडयि ए, बानइनने आनकानका खोसाजा सेरूम का कोपरू आनकाओ लिवोड।" ⁷नड मोकोचिआ मोसाजा लाप्तुकि मसेरा, का यमसिखाओ हुइयालिप्पा वेतनि मपुवा, ⁸ओसुन्दुम यमसिखाओ नामसोडमिआ दि मचुवोड? मोचि मबान्वोड, का खारूमिचिजा पुनला मचुवोड, नड यमसिखा निचिजा मपुवोड।' ⁹दि खानाचिआ सामयोक यडवानओ ओको इदुम खिप्ताओ अमाननुड? डाककाबाचिआ खाकको लुडटाकजा असाओ मचुवा, मोकोडे ओलाक केडकुओ सायालुड मेत्तानचिन, ¹⁰ओको हाएसि डाडका लिसाओ ए, नड ओको डे आनकाओ मुक्खाडडा नाकाकताओ याआड।' ¹¹नड मोकोचिआ खोनिनजा लापमासुडा मेन मुकला सुट्टा कुमामकारा, देनादि मोको डोयडला खोनिनआ मोकोचिओ यडछितलाडा लोवानिनओ, ए लोनि मोकोचिआ मत्पुता का मोकोचिआ खोनिनजा छिरूकि खातनिलेवा। /s सियरजा छोनलुड छोनवो छापछोडडा खासेन /s ¹²खोनिनजा दुमडा खेखुपतानुम यिडाकि मोकोचिआ फरिसिचि का हेरोदिचिखपओ साड साडजा खोनिनओया मछुत्ता।' ¹³मोकोचिआ मताकि खोनिनजा मयिडा, 'रुमुच्यो, आनकान लेइन्का खाना निसवान लिमानु, का साडओ छड लिपालाम मुमा नुनिन, देनादि खानानिन डोखाडाकि ओक मुमानुनिन मेन निनाममुओ लाम नुसुपुतुमआ चिनलुमानु, लोवाने सियरजा छोनलुड पुमा नुलोक याआड हे माननुड।' ¹⁴आनकान पुइन्ने हे पुइमिन्ने? खोनिनआ मोकिचिओ रूडचाला सिन्ला तोकताकि मोकोचिजा लोवानिन, 'खानाचि देना सुको अचुवाडयाक? अकटेट दिनार बाट्टानुम, का अडका खाडुम?' ¹⁵नड मोकोचिआ मबाट्टा। का खोनिनआ मोकोचिजा लोवानिन, 'ओको सेमफोक का थपसुवा साडओ ए?' मोकोचिआ खोनिनजा यिडा 'सियरओ' ¹⁶मोबेन देकमिआ मोकोचिआ लोवानिन, सियरओ यामतोक सियरजा पुवानुम, का निनाममुओ यामयोकचि निनाममुजा। मोकोचि खोनिन सुट्टा धिनाकाकता मकाडा। /s लाहडेन छापछोडयि खासेन /s ¹⁷हान लाहडलेन नुनिन लोवो सदुकिचि खोनिन्ओया मता, का खोनिनजा उसको यिडाकि मसेना, ¹⁸रूमु, वाछाप्याआ आनकानजा छापनिपुवाओ मयाआड हे साडओ बुबु सुवा का छालुक्या लिसाकि तायामा ओलाक छिरू लो अनिछाकआ बुसुनिमा खाटने, का आनओ बुबुओ निकि आडखेप पुक्तु मुने।' ¹⁹एकापाड सावाछा मयाआडा नड तोडदाआ सायाकामु मुवा, का मोको छालुक्या लिसाकि सुवा। ²⁰नड जुम्दाआ मोसाजा सायाकामु मुवा, मन्कि मोको छड छालुक्या लिसाकि सुवा नड पिपदोआ मुसओडे सुवा। ²¹नड एकपाडओ डे आडखेप मानलि। झारा चोडलो नेल्लोक मोको छामिन्छा छड सुवा। ²²हान लाहडलेनडा मोकोचिखपडा साडओ दापयामा मोको लिवो निमाड? देनादि मोचि एकापाडआ मोसाजा दापयामा मेत्ताओ मयाआडा।' ²³देकमिआ मोकोचिजा लोवानिन, 'खानाचि होइसेडलाडा डोटटाओ सुन्दुम ओकोडे माआड? खानाचि मानना इयडवान मान निनाममुओ साएराडजा असिनलुक ²⁴देनादि मुनटोड मोकोचिओ लाहडलेन नुयाक, मोबेन मानना सायाकामु मचु, मानना सायाकामुडा मपु, मेन मोकोचि सारुडगाडा याक्केनाछाचि इसा मलि।' ²⁵मेन सुपोकवाचिओ छापछोडडा लो मोकोचिओ लाहडलेन नुयाक, लोनि दि खानाचिआ वाछाप्याओ छापलायाकडा वाहिलाओ चेषयडडा खिपताओ अमाननुड? खाइसाकिया निनाममुआ मोचिसुट्टा 'अडका सुन्तुमदिवाओ निनाममु, यडचावाछा निनाममु का सोझामुओ निनाममु एव, लोनि लोवानिनओ याआडा।' ²⁶खोनिन सुपोकवाचिओ निनाममु माआड मेन अहडडसाडचिओ लिमानु, खानाचि बट्टेडे होइसेडलाडा डोट्टाओ अयुडयाछा।' /s झारा चोडलो टोप्पो इडइवा /s ²⁷यडवानमिचि खपडा अकपाड खोनिनओया मता का खोनिनचिजा हाडपोहाडडा तुक्वातुप मुनियुडसाओ मपना। खानिनआ ओकोचिजा नुलोक लायड पुवानिनओ सिन्ला तोक्कुकि खोनिनजा मसेना, 'झारा इडइवाचिडा बुसि ओलाक खाउ ए?' ²⁸देकमिआ लायड पुवानिन, 'बुसि ओलाक ओको ए,हेड! इसाएल एने, धिवाड हाएसि आनकाओ निनाममु अकपाडे धिवाड हाएसि लिमानु, ²⁹नड खानाआ धिवाड हाएसि आनओ निनाममुजा आनओ झारा कोडआ, आनओ झारा हाडमाडआ, आनओ झारा खारूआ का आनओ झारा साएराडआ नुसोम मुए।' ³⁰हवासि ओलाक ओको ए, खानाआ आनओ डाकनिजा हाडपाडजा ओटनि सोम मुए। ओचि चोडलो बट्टेका इडइवा निचि मातदड।' ³¹यडवानमिआ खोनिनजा मयिडा, 'नुच्चुड डे रूमु, खानानिनआ नुलोक डे लोवानिन, खोनिन अकपाडे लिमानु, खोनिन् लेटका निचि माट्टड।' ³²नड खोनिनजा कोडआ, झारा नुतनुआ, का झारा सावाआ सोममुमा, का डाकनिजा उहाडपाडजा ओटनि सोम मुमा, झारा हेन्खुयुहुत का हुयुकमुचि चोडलो मुलुमरड ए।' ³³मोचिआ तायामुकनिन् लायड पुवाओ टोकताकि देकमिआ मोचिजा लोवानिन, खाना निनाममुओ हाडहोन डाडका माडखा तमाननुड। मोनेल्लोक खोनिनजा खासेन मुवो साडओ सापसा मानलि।' ³⁴मन्कि माडखिमडा चिनलुमानुहिडा देकमिआ लोवानिन, खाइसाकिया निनामछेन दाउदओ सावाछा ए लोनि यडवानमिचि मयिडलुक।' ³⁵दाउद अहाडपाडेआ वाचोड

साकोड डाडका यिडाओ मयाआड, 'धिवाड हाएसिआ अडहाएसिजा लोवानिन, अडकाआ खानाओ नुकसाचिजा आमनो लाडओ लाडटक मानमेतइन्लोकतारि खाना अडचुपुछुक लिप्पा युडानुम।³⁷ दाउड उहाडपाडे खोनिनजा हाएसि मयिडलुक लो खादाडका खोको मोचिओ सावाछा मलिसा? नड मुकलाआ खोनिनओ इदुम वायाकनिन मएना।³⁸ आनओ सान्यडडा खोनिनआ लोवानिन, यडवानमिचि डाडका चानचुप यडानुम, खोको उखाम टिटखान हुमसाकि ओडा मोडा कोन्मा का इन्खावाडडा सायालोड लोकमा³⁹ नड यायोक्खिमचिडा यामुयुडखा का चाचायुडा टोप्पोखा नुवानुयाक्⁴⁰ खोकोआ सासाममिओ खिम मडाक्लुक का खाउनतुड निकि उखाम उखाम सोमफोडला मचुलुक। ओकोचिआ बद्धेका बानछूप मतोक्वोड। /s सासाममिआ पुवाओ पुनोत् /s⁴¹ मन्कि खोनिन खाबाखाओ बुसित युडानिन, का मुकलाआ खाबाडा फेक रिपेन्ताओ खाडानिन, का बद्धेका लुडलिचिआ बद्धेडे रिपेन्ताडा।⁴² नड अकपाड छुयुप्पा सासाममिआ ताकि हवा माइट तामिन्तुप केडवा याड मेल्लो रिपेन्तु⁴³ नड आनओ खेनमाछाचिजा अहाडपाडओया बुत्ताकि खोनिनआ मोकोचिजा लोवानिन, अडका खानाचिजा नुच्युडे लोडा खाबाखाडा रिपेनकाबा चिखपडा ओको छुयुमि सासाममिआ झारा चोडलो बद्धे रिपेन्ता।⁴⁴ देनालो झाराआ आन-आनओ सायाथाक्ला डाडका मरिपेन्ता मेन् ओकोआ ना आनओ ताडछुतलाडका मोसाओ खाक्को मेल्लो याआडा ,तामिनतुप आन्ओ झारा मुचाडे रिपेन्लेन मुवा।

13

¹नड मुटोड खोनिन् माडखिम डाडका लोन्याडसा लिमानुवाडा, मोबेन खोनिनओ खेनमाछाचिखपडा अकपाडआ खोनिनजा मयिडा, 'रूमु खाडानुम, खासओ खासओ लुडताडचि का खासओ खासओ थिखिमिचि,'² देकमिआ मोचिजा लोवानिन, 'दि खाना ओकोचि टोप्पो टोप्पो थिखिमचि तटोकलुक? लुडटाक् धानि लुडटाक छित्वोन्निन ,खाक्को फेनतिमिन।³ नड माडखिमओ बुसित जैतुन भुरडा युडमानुहिडा पत्रुस, याकुब, युहन्ना का अन्द्रियासआ खोनिनजा छुतुक्का मसेना,⁴ आन्कान्जा लोवाने, ओकोचि दुम देमखा मलिवोड? का ओकोचि दुम लिमानुहिडा दि सिन्मेत लिवोड?'⁵ देकमिआ मोकोचिजा लोसिलुवानिन, चानचुप युडानुम, साडआ छाड खानाचिजा होडसेडलाडा मान्मुलुतने।⁶ बद्धेकापाड अडकाओ नुडडा अडका खोकोडे एव लोयाडसा मबानवोड, का मोकोचिआ बद्धेकापाडजा लुलेन मपुवोड।⁷ नड मुनटोड खानाचिआ म्हु का म्हुओ अत्छडदुम अपनवोड मोबेन मानहेडतानुम, देनादि ओको लिमा चाखाम याआड, मेन थेनयुओ मुयाकला मोको माआड।⁸ देनादि रावाओ उसादाकडा रावा, का लुडवाडओ उसादाकडा लुडवाड ठानठुक लिवोड, खाम खामडा लुटलि खात्वोड, साडसाडवा लिवोड। यातुकलाओ तापुड ओकोडे ए।⁹ खानाचि आन्ओ सानुडडा चानचुप युडानुम, खानाचिजा थियायोक्खाडा मपाडपाक्वोड। खानाचि अधात्तिनवोड का खारुखाहाडछाचि का हाडओ बुसित अडकाओ निकि सिनलेखा पुसिओ निकि खानाचि ठानठुक अलिवोड।¹⁰ मेन बुसि झारा रावाजा नुसावानाम रूमरड मुवाओ लिमा डोट।¹¹ नड मुटोड मोकोचिआ खानाचिजा लापनि खाट्टाकि पाडपाकवोड ,मोबेन दि चेडनने लोनि बुसिडका मिनराक मान्मुदानुम, मेन मोको डे मुयाकला खाक्को खानाचिजा पुविन् मोकोडे चेवानुम देनादि चेपमि खानाचि अमाआड मेन वाचोड साकोड लिमा लिवोड।¹² नड वात्तोडआ वात्तोडजा सुवालोडओ निकि पाडपाक्वोड, पापाआ सावाछाजा नड छाचि पापा-मामाओ उसादाकडा ठानठुक मलिवोड का मोकोचिजा सेतसि मलुमेत्वोड।¹³ नड अडनुडओ निम्पि खानाचि झारा डाडका चिमासाड अलिवोड ,मेन् खोक्को थेन्नुतारि लोमान्कका युडउने मोसाओडे सेममाला लिवोड।¹⁴ मुनटोड खानाचि नामबुकलो यामामुओ चिमासाड याक्कजा खाडडा मुरु मातदड मोडाडे एवानचिनओ अटोक्वोड (खिपकाबाआ तुपने) मोबेन यहुदियाडा युडकाबाचि भूरुलिप्पा मफुडने।¹⁵ खिमओ छान्बाकखाडा युडकाबाचि ह्युनि मानधाने, मानना आनओ खिमडाडका दिच लात्माजा हुड्डा वाडने।¹⁶ कायाखाडा युडकाबाचि आनओ बोपछुम तात्माजा देडसि मान्लादाने।¹⁷ मेन मोचिलेनडा आमोचुनो! बुखुन्डिमा का नुपुन फपकामाचिजा!¹⁸ ओको नाडदोडडा मानलिदाने लोनि सेमफोडला मुवानुम।¹⁹ देनादि मोचिलेनचि उसओ छुयुओ मलिवोड, उमओ निनाममुआ मेत्तानिनओ मेटलेनओ पुडला डाडका हान्देतारि ना मानना लिसाओ याआड, का देम्खाछे लिवोड।²⁰ नड धिवाड हाएसिआ मोचिलेन् मानदुनिपुवाओनिन् ना खाउडे साएमछामि हडवो माननुडा, मेन खोनिनआ छेनतानिनओचिओ निम्पि मोको लेन दुत्तानिन।²¹ मोको मुयाक्लाडा साडआ छाड खानाचिजा खाडानुम निनामछेन ओडा मयाआड, हे मोडा मयाआड, यिडा लो खानाचिआ मानयाआतानुम।²² देनालो मुपसाडे निनामछेन का मुपसाड यामाडचि ठानठुक मलिवोड का लिमारू लो छेन्तान्ओचिजा होडसेडलाडा मुलुतमाजा माकोचिआ सिनछुडचि का नाकाक वकचि मचुवोड।²³ मेन खानाचि लो चान्चुप युडानुम ,खाडानुम अडकाआ खानाचिजा झारा दुम बुसिडकाडे लोनि पुवाओ डे याक्का ओनेउ।²⁴ मेन मोचि लेनडा मोको हुपरवा छुयु नेतलोक नाम कुइया मलिवोड का लादिप्पाआ आनओ छोकलासि पुवोनिन²⁵ नड साडगेनचि नामकुदु डाडका मथावोड, का नामचोकडा लिसाओ साएराडचि मरुखोकवोड।²⁶ मन्कि मोकोचिआ मनाओ सावाछाजा साएराड का धिममसड सुत्ता बान्याडसा मुवाओ मटोक्वोड।²⁷ मोबेन खोसाआ सारूड याकेनछाचिजा मछुतवोड का हेन्खामाओ थेन्नु डाडका नामकुदुओ थेन्नु तारि लुकाडे होनडाडका आनओ छेनतानिनओजा अकखाम्हा मकोपवोड।²⁸ वासिखुकमाकओ सुडताड डाडका डोयडला चिन्तानुम, मुनटोड मोसाओ खेक् नोत्तो लिसाओ नुयाक,ल का चोकखान बात मोबेन चोकफोवा चुकडा बान्याछा लोवो सिन्ला अतोकयाक।²⁹ उडसाकिया डे खानाचिआ छाड मुनटोड ओचि दुम लिनिपुडसाओ अटोक्वोड मोबेन खोको चुकडा याआड, लाटिखोडडाडे याआड लोवो लेसानुम।³⁰ अडका खानाचिजा नुच्युड डे लोलुकडा, ओको झारा दुम लिनि मानरुनलोकतारि ओको तालाखुक छितदावो माननुड।³¹ सारुडगा का हेन्खामा खालेतनि मखात्वोड, मेन् अडको इदुम खालेत्वोनिन।³² मेन मोलेन, हे मोवाइदाओ सानुडडा पापाआ लेटका निचिसाडआ छाड लेनिन, मानना सारूडगाडा लिवो सारूड याकेनछाचिआ, मान् सावाछाआ।³³ चानचुप युडानुम, माइमसक युडानुम का सोम्फोडला मुवानुम, देनादि मोको मुयाकला देम्खा लिवो ए मोको खानाचि अलेनिन्।³⁴ ओको ना खाडसुमिचिआ कोपरूयुड का उकताउकजा आनओ आनओ वक पुनि, हुडकाबाजा 'खाना माइमसकडे युडमा लोवो इडइवा अकनिया पुवाकि चिखिम छिरूकि नियुडखा खाराओ खाउडे अकपाड मना ओटनि ए।³⁵ ओसुन्दुम पोकसुमि युडानुम, देनादि खिमपाड वावाड हे नाम्पुकखपडा, हे वापा ओकहिडा, हे वायाड देमखा तावो ए मोको खानाचि अलेनिन्।³⁶ माआडलो ना मिन्तालुक ताहिडा मोचिआ खानाचिजा इमनियुडसाओ मधित्वोड।³⁷ नड खाक्को अडका खानाचिजा लोलुकडा, मोको अडका झाराडेजा लोलुकडा "माइमसकडे युडानुम।"

14

¹ हान हवालन नेतलोक सेमलायोक का बोपखा मात पेमपाकओ छेमालोक याआडा। थियान बुबमिचि का यडवानमिचि खोनिनजा खाइसाकिया मुपलाकनिन लापुकि सेरोमने लोवो लामसुडा मयाआडा।² देनालो मोकोचिआ लोवाओ मयाआडा छेमालोकओ मुयाक्लाडा ना माआड, माआडलो मनाचिडा डोमोसाड लिवोड।³ खोनिन देडयाकनिडा शिमोन खुखेनकाबाओ खिमडा चासि युडहिडा अकपाड छामा वाचोड नामनुवाओ छुओ ओकति ओमसुवाडलुडओ वात्तामखुडडा तारूकि बाना, का मोको वात्तामखुड केराकि खोनिन्ओ टाडडा लेन्तु।⁴ मेन साड साडआ माइसुड मुवाकि हाडपोहाडडा यिडमा मपुडसा, ओको फोडनुवाओ मायाक्सा देना लिसाओ ए? देनादि ओको फोडनुवा सुमका भुड दिनार चोडलो बद्धेडा इन्ताकि छुयुकुप्पाजा पुमा रूवोन् याआडा। नड मोकोचि मोको सुतडा आरियडआ छोलोकवा मलिसा।⁵ मेन देकमिआ लोवानिन, लिनिखारा, मोसाजा देना छुयु पुनि अयुडयाड। मोसाआ अडकाथानि खाननो डे मुवाओ याआड।⁶ देनालो छुयुकुप्पाचि ना खानाचिसुत्ता निम्मा मलि का नुडनुसाओ मुयाक्लाडा खानाचिआ मोकोचिओ नुओकला मुमा अरू मेन् अडका ना निम्मा खानाचिओ अकनिन्डा लिनुडा⁷ मोसाआ खाक्को मुमा रुवाडा मोकोडे मुवाओ याआड, मोसाआ अडकाओ पोकजा खुमसिओ निकि बुसिडका डे फोडनामिक ओकति सोपनि पुवाओ याआड।⁸ अडका खानाचिजा नुच्युड डे लोडा झारा हेन्खामाडा खाडा खाडा ओको नुसावानाम रूमरड मुउनने, मोसाआ खाक्को मुवाओ याआड मोडा मोडा मोसाओ मुकसिन्ओ निकि ओको यिडवोन।⁹ हवापौखपडा अकपाड यहुदा

इस्करयोति ओलाक खोनिनजा मोकोचिओ छुकडा लापनि पुमाजा धियान बुबमिओया खारा।¹¹मोकोचि छाड ओको एनाकि छेमन् मलिसा, का मोसाजा फेकवा पुवो चडमुदुम मुवा नड खानिनजा खाइसाकिया लापमेत्तुम लोनि मोसाआ लोइसा सुकधिइ लाममालुवा । /s थैनु चचायु /s¹²बोपखामात पेम्पाकओ साकेओ बुसिलेनडा मुनटोड सेमलायोक साकेओ हेनखुवा लिसाडा, खोनिनओ खेनमाछाचिआ खोनिनजा मयिडा, खाडा खाराकि खानानिनआ चामादुडमाओ निकि आनकान् सेमलायोकओ छेमालोकओ चचायु छुमचुम मुडनने लोवो खानानिनओ राका याआड? ¹³मन्कि खोनिनआ आनओ खेनमाछाचिखपडा हवापाडजा उसओ यिडाकि छुत्तानिन, तालावाडडा खारानुम का खानाचिआ वाखुडडा चाःवा तारुकि खात्वा अकपाड मनाजा अधित्वोड, मोसाओ देडसि लुवानुम। ¹⁴नड मोको खाड्डा वाडउने, मोखिमओ नामसोडमिजा लोवानुम, रुमु यिडमानु, अडतावाडखाम् खाडा याआड? खाड्डा अडका अडखेनमाछाचिसुत्डा सेमलायोक साकेओ चचायु चोरम्? ¹⁵नड मोचि अहाडपाडेआ खानाचिजा नियिक यामतोकआ लक्लात् लिनि छुमछुम मुलुत्ताओ अकटेट धाककोबेन्ओ युड्खा मखाडमेत्वोड का मोडाडे खानाचिआ आनकानओ निकि छुमचुम मुवानुम। ¹⁶हाले मोचि खेनमाछाचि खातनि मलेवा का तालावाडडा मता, नड खोनिन् मोकोचिआ लोवानिन ओटनि मतोक्ता, का मोकोचिआ सेमलायोक छेमालोकओ चचायु छुमछुम मचुवा।¹⁷वावाड लिहिडा खोनिन हवापाडे सुत्डा बानानिन। ¹⁸खोनिनचि युडाकि चासिलुहिडा देकमिआ लोवानिन, अडका खानाचिजा नुच्युड लोडा, खानाचिखपडा अडकासुत्डा चावो एकपाडआ अडकाजा लुलेन पुवोड। ¹⁹मोकोचि तुक्खामि लिसाकि फान्अफान सुत्डा खोनिनजा दि मोको अडका एव? यिडाकि सेनसिलुवा।²⁰खोनिनआ मोकोचिजा यिडानिन, हवापाडखपडाओ अकपाड, अडकासुडा चाखुडडा पेम्पाक काछुम ओलाका ²¹देनादि मनाओ सावाछा ना उछापछोडडा छापानचिनओ खुवालि खातनिलेयाक मेन नडफिसा मोको मनाजा खोक्को दाडका मनाओ सावाछाजा लुलेनला नु! मोमनाओ पुक्तुडे मानलिसाओनिन ना मोसाओ निकि नुलोक लिवो याआडा कि।²²मन्कि खोनिनचि चानियुडमानुहिडा खोनिनआ पेम्पाक लोक्तुकि सायोक पुवानिन का ओराकि मोकोचिआ पुवानिन का लोवानिन, लोक्तानुम् ओको अडसाएमपोक ए। ²³नड कनचुरो लोक्ताकि आलाडने पुवानिन नेतलोक खोनिनआ मोकोचिजा पुवानिन, का मोकोचि झाराआ मोडाडका मडुडा। ²⁴मन्कि खोनिनआ मोकोचिजा लोवानिन, ओको यडचकलाओ उडहुवा ए खाक्को बदधेकाओ निकि पेततिन। ²⁵अडका खानाचिजा नुच्युड डे लोडा, अडका लादेड यमसिओ सिवाडका मोलेन तारि दुडवोनुडा मुनटोडतारि निनाममुओ हाडहोनडा मोको नुडवा दुडनुडा। ²⁶नड अकटेट सडमुसान छाममुवाकि खोनिनचि लोन्ताकि जैतुन भुरुलिपा खारानिन। ²⁷मन्कि देकमिआ मोकोचिजा लोवानिन, "खानाचि अडकालिपा रूहुकमि अलिवोड देनादि उसओ छापतान्चिनओ याआड, अडका चानकाबाजा धित्वोडा का सामुवाचि टुडटेम मलिवोड। ²⁸मेन्छाड अडकाओ लाहडसु मलिसा नेतलोक अडका खानाचि चोडलो बुसि गालिलडा खात्वोडा। ²⁹नड पत्रुसआ खोनिनजा मलोवा, "झारापाड खानानिनसुत्डा हुकमि मलिसा मेन्छाड अडका लो रूहुकमि लिवोनुडा। ³⁰मोबेन देकमिआ मोकोचिजा लोवानिन, अडका खानाचिजा नुच्युड डे लोडा, आड, ओखाखुतडाडे वापा हवाफेन ओकमा बुसित खानाआ अडकाजा सुमकादु बुडछुनला तमुवोड।" ³¹मेन् मोचिआ फाननु अराडकानिन मयिडा, "खानानिन सुत्डा अडका सुमा मडोट्टु मेन्छाड अजका खानानिनजा बुडछुनला मुवो मानयाकदोड, निचि झाराआ छाड उडसाकिया डे मयिडा। /s देकमि गेतसमनिडा /s³²नड खोनिनचि गेतसमनि नुड लिसाओ अकटेट खाम्पा बानानिन का खोनिनआ आनओ खेनमाछाचिजा लोवानिन "अडकाआ सोमफोडला मानमुडनलोकतारि खानाचि ओडा युडानुम।" ³³मोबेन खोनिनआ पत्रुस, याकुब का युहनाजा हाडपाडसुत्डा खातानिनका खोनिन कोडचोनसाड का बदधेका नुडचिमु लिसि लुवानिन। ³⁴नड खोनिनआ मोकोचिजा लेवानिन, अडहाडमाड³⁵नड दिच याखाराकि खोनिन लुमडा बोमका डोटानिन, का उसओ यिडयाडसा सोमफोडला मुवानिन, "लिमारू लो ओको मुवाक्ला अडकाडका खाछितने। ³⁶नड खोनिनआ लोवानिन, 'पापा खानानिनआ झारा दुम कारुयाक याआड, ओको कन्चुरो खाछितनि पुवाने। मेन अडराका खुवालि माआड मेन् खानानिन देतनि राका मुमानु।³⁷मन्कि खोनिन ताकि मोकोचिआ इमनि युडसाओ धिरानिन, का खोनिनआ पत्रुसजा लोवानिन, 'ए शिमोन दि खाना इमनियुडसाओ तयाआड दि अकटोड छाड पोकसुमि युडमा तमानरु ? ³⁸माइमसक युडानुम का सोमफोडला मुवानुम, का सुकोडा मानडोटानुम, साकोड ना नुच्युडे छुमचुम याआड, मेन साएमपोक रूपरू याआड। ³⁹नड लादेड खाराकि खोनिनआ खोकोडे दुम यिडयाडसा सोमफोडला मुवानिन। ⁴⁰लादेड ताकि खोनिनआ मोकोचिजा इमनि युडसाओ धिरानिन, देनालो मोकोचिओ अमुक धिमाइमलिसाओ मयाआड का खोनिनजा दि लायड पुवो ए. मोको मोकोचिआ ममानले। ⁴¹नड खोनिन सुमकादु बानानिन का मोकोचिजा लोवानिन, हान इमनि युडानुम का सावाएमला मुवानुम। लिनिचिया, मुयाकला बाननिचिया, खाडानुम मनाओ सावाछा हआदोडमिओ छुकडा लाप्पाछेक लिसिलुवाओ याआड। ⁴²पोक्लानुम, खारइन्ने, खाडानुम अडकाजा लापमाछेकवो चुकडा डे याआड। /s देकमिओ लाप्पाछेक /s⁴³खोनिनआ उसओ लोयाडसा लिमानुवाडा, धियान बुबमिचि, यडवानमिचि का पासुड बुलामबुचि बान्छोन भेचोम लोक्ताओ मनाचिओ अकटेट रूहुप टारुकि हवापाडखपडाओ अकपाड यहदा चकनि ताबाना। ⁴⁴मुनटोड खोनिनजा लापमेत्काबाआ मोकोचिजा उडसा यिडाकि उसओ अकटेट खोतला पुवाओ याआडा, खोककोजा अडका चुपला मुवोडा, मोचि मोकोडे मए मोकोडेजा लापानुम का रातलाकनिन खाटानुम। ⁴⁵नड हाले खोनिनओया ताकि मोसाआ चुकडा खाराकि 'रुमुहाड' ⁴⁶मन्कि मोकोचिआ खोनिनधानि छुकपाकताकि खोनिनजा मलाप्ता। ⁴⁷चुकडा एपवोनचिखपडा खाउडे अकपाडआ बान्छोन लाततुकि बुसिवा बुबकाबाओ याडसुमिजा धाततु का मोसाओ नाबाक हालिक हेकनि-पुवा। ⁴⁸देकमिआ मोकोचिजा लोवानिन, दि खानाचि खुसावाओ उसादाकडा खुवातनि बान्छोन का भेचोम अकनिया लोक्ताकि अडकाजा लापसि अता। ⁴⁹उडका ना लेनओलेन खानाचिओ अकनिनडा लिनि माडखिमडा चिनलुयाडसा याआडाड, का छाड खानाचिआ अडकाजा अमानलाप। मेन साम्योक सामकालिन लाटला लिनै यिडाकिडे ओको लिसाओ ए। ⁵⁰मन्कि झारा खेनमाछाचिआ खोनिनजा छिराकि मफुडसा। ⁵¹मन्कि आनओ असकलक साएमपोकजा अकटेट बाडगासिटिट्आ रिम्नुओ खाउ डे एकपाड फानटा खोनिनओ देडसु लुवा। नड मोकोचिजा मोको फान्टाजा मलाप्ता। ⁵²मेन टिट्खान छिरुकि मोको असकलक डे फुडसा। /s धियान बुबमिओ बुसित /s⁵³हाले मोकोचिआ देकमिजा धियान बुबमिओया खाट्टुकि झारा बुबकाबाचि का पासुड अधुवाचि यडवानमिचि खोनिन अकनिन अकनिन डे मता। ⁵⁴पत्रुस लो माडखाडकाडे धियान बुबमिचिओ - धियुडखिमओ बुकलुड तारिडे खोनिनओ देडसि-मताओ याआडा। का मिबुक्वाडसा टाडकारूड सुत्डा युडनियुडसाओ याआडा।⁵⁵हान धियान बुबमिचि का झारा धियायोक्लाआ देकमिजा सेतमाजा खोनिनओ उसादाकडा सिनलेखा मलामा मेन साडछाड ममानतोक। ⁵⁶देनालो बद्धेआ खोनिनओ उसादाकडा सोज्जे सिनलेमु मपुवा मेन मोकोचिओ सिनलेमु उक्नुरुडे मान्नुडा।⁵⁷नड साड पोक्तुकि खोनिन्ओ यडछित्ता उसओ यिडयाडसा सोज्जे सिनलेमु मपुवा, ⁵⁸छुकआ मेत्तुओ ओको माडखिम अडका फेनवोडा का मायाक छुकआ मुवाओ सुमकालेनडा हाउसो ठानठक मुवोडा, लोनि ओसाआ यिडाओ आनकानआ एनाओ याइन्, ⁵⁹मेन ओसाडेडा छाड मोकचिओ सिनलेमु तोडसि मानता। ⁶⁰हाले बुसिवा बुबकाबाआ एवाकि देकमिजा उसओ यिडाकि मसेना, दि खाना दिचछाड लायाड तपुनिन्। ओकोचिआ आमनो छापछोडडा दि सिनलेमु मपुयाड?" ⁶¹मेन खोनिन वाइःअया युडानिन, का दिच लायड पुमा मानलि, लादेड धियान बुबमिआ खोनिनजा सेनुकि मयिडा, "दि खाना धिवाड धियानओ सावाछा निनामछेन तए?" ⁶²देकमिआ लोवानिन, "अडका एवं नड खानानिनआ मनाओ सावाछाजा रूमरुहाडओ चुपचु छुकडा युडनियुडसाओ का नामकुदुको योवारिडा इनियुडसाओ टोकमा लिवोड।⁶³धियान बुबमिचिआ आनओ तितखान पेराकि मयिडा, "आनकानजा सिनलेखाचिओ निचि दि चाखाम याआड?" ⁶⁴खानाचिआ निनामुतनुड ना एननि अलेवा, खानाचि दि अलोप्?" मन्कि मोकोचि झाराआ खोनिनजा सुवालोड मेकसन्ओ मुरु मदोकता। ⁶⁵साड साडआ खोनिनजा थेत्मा मलुवा का खोनिनओ डालुड दिपतुकि खोनिनजा फेकला पुवाकि मयिडा, "मायाडछाम्पु चेउवे", नड खारुखाहाडछाचिआ खोनिनजा अपुम-अपुम पुवाकि पाडखुनडा मलोक्ता। /s पत्रुसओ बुडछुनला /s⁶⁶पत्रुस ह्युनि बुक्लुडडा लिहिडा धियान बुबमिओ याडसुमिमाचिखपडा अवपाड बाना ⁶⁷का पतरुसजा मिबुकनियुडसाओ टोक्तुकि मोचिजा खाडाकि मयिडा, "खाना छाड देकमि नासरिसुत्डा तयाआडा। ⁶⁸मेन मोचिआ उसओ यिडयाडसा बुडछुनला, मचुवा, खाना दि तयिड, मोको मानना अडकाजा सिनताडयाक मानना अडका तुपडा। नड मोचि हुड्या केपसाडा मलोनतु मन्कि वापा ओक्तु। ⁶⁹नड याडसुमिमाआ मोचिजा टोक्तुकि ओया-मोया एकाबाचि सुत्ता लादेड लोसि लुवा, ओचि ना मोकोचिखपडाओडे मए। ⁷⁰मेन मोचिआ लादेड बुडछुनला मचुवा, का दिच

वाइदा नेतलोक ओया मोया एपकामिचिआ लादेड पत्रुसजा मयिडा, नुचुड खाना मोकोचिखपडाओ तए, देनादि खाना गालिलि तए।⁷¹मेन मोचिआ अहाडपाडेजा नडफिसा मुमा का सिस्वदुम पात्तुकि यिडसि मलुवा, खोक्कोओ छापछोडडा खानाचि तयिड, मोमानाजा अडका सिननुडा।⁷²मन्कि हाले हवाडु वापा ओक्तु का पत्रुसजा मोको दुमओ मुकसिन लिसा, खाक्को देकमिआ मोचिआ लोवानिनओ तथाआडा - वापा हवाडु ओकमा बुसित खानाआ समकाडु बुडछुनला तमुवाडवोड। नड मोदुमजा मित्ताकि मोचि परु परु म खावा।

15

¹मन्कि ओडसाडे बुसिवा बुबमिचिआ, पासुडटाड का यडवानमिचि सुट्टा, झारा धियायोक्लाआ हाडपोहाडडा यायोक् मुनि देकमिजा छुन्ताकि मखाट्टा, का पिलातसओया पाडपाकनि मपुवा।²पिलातसआ खोनिनजा मसेना, 'दि खाना यहुदिचिओ हेनकोपहाड तए?' खोनिनआ मोचिआ लायडला पुवानिन,³'खानानिन डे लोयाडसा लिमानु।' धियान बुबमिआ खोनिनधानि बद्धेका दुमओ एमसु मपाक्ता।⁴नड पिलातसआ खोनिनजा लादेड उसओ यिडाकि मसेना, 'दि खाना दिच लायड तपुनिन? खाडानुम खानाओ उसादाकडा मोकोचिआ देम दुमचिओ खायोक् मपाकयाड।'⁵मेन देकमिआ लादेड दिच छाड लायड पुमा मानलि उनतारि हे, पिलातस स्वमराक मडोट्टा।⁶साकेओ मुयाक्लाडा मोकोचिआ दोराओ अकपाड छेकमिजा मोकोचिओ निकि खोचिआ छितनि पुवाडा।⁷नड हाडदुमलोडडा हाकलोक्तुकि सेतसु मुवो बरब्बा नुडओ अकपाड मना छेकछाखिमडा याआडा।⁸नड मुक्लाआ वाडाकि मोकोचिओ निकि बुखुवातनि मुनिपुवाने लोनि सोमफोडला मचुवा।⁹पिलातसआ उडसाकिया लायड मपुवा, 'दि अडका खानाचिओ निकि यहुदिचिओ मोचि हेनकोपहाडजा छितनि पुम? लोवो खानाचि राका अचुलुक?'¹⁰देनादि नुडछिनआ मुहिडा बुसिवा बुबमिचिआ खोनिनजा पाडपाकताओ मयाआडा।¹¹मेन हेनाक बरब्बाजा मोकोचिओ निकि मोचिआ छितनि मपुने यिडाकि बुसिवा बुबमिचिआ मुकलाजा मचोडमेत्ता।¹²पिलातसआ लादेड मोकोचिआ लायड पुवाकि मयिडा, 'खोक्कोजा खानाचि यहुदिचिओ हेनकोपहाड अयिड खोसाजा ओलाक अडका दि चुम?'¹³मोकोचि लादेड रिखाप्ता 'मोसाजा इलाकडा लाक्ताने।'¹⁴पिलातसआ ओकोचिआ मयिडा, 'देना? मोचिआ दि उवाक मचुवाओ मयाआड?' मेन मोकोचि धिडोसाडलाआ मरिखाप्ता, 'इलाकडा लाक्ताने।'¹⁵हाले पिलातमआ मुकलाजा साववासा मुलुत्तो मिनला मुनि मोकोचिओ निकि बरब्बाजा छितनिमपुवा का देकमिजा रमफक धातलाम मचुवा नेतलोक इलाकडा लाकसिजा पाडपाकनि मपुवा।¹⁶खारातमिचिआ खोनिनजा धियुडखिमहुड्डा मखाट्टा, का झारा मुक्लाजा झाराझुम मुमेत्ता।¹⁷मन्कि मोकोचिआ खोनिनआ हललिपचुकवा टिट्खान हुममेत्ति मपुवा, सेनमिओ डोलोकुम चडताकि हुममेतनि मपुवा,¹⁸नड 'सेवानने यहुदिचिओ हेनकोपहाड' लोयाडसा मोकोचिआ सायालोज चुसि मलुवा।¹⁹मनकि मोकोचिआ खोनिनओ टाडडा दडआ धातयाडसा मथेतता, का लाडतुमफु नेप्ताकि खोनिनजा सायालोज मचुवा।²⁰नड मुनटोड खोनिनजा चुतनि मचिया, मोबेन मोकोचिआ हलचुकवा टिट्खानु होडनिमपुवा का खोनिनओ आनओडे टिट्चि हुममेतनि मपुवा, का खोनिनजा इलाकडु लाकसिजा हुडया मखाट्टा।²¹नड टेनडाडका बाननियुडसाओ लामदुवा मना सिक्कन्दर का रूफसओ पापा साइरेनिओ शिमोनजा खोनिनओ इलाक खन्तुकि खाटमाजा मोकोचिआ हियुक मलुवा।²²हाले मोकोचिआ खोनिनजा गलगथा लोवो खारोडडा मबाट्टा। मोसाओ तुपयड टाडखोकडवा खाम ए।²³नड मोकोचिआ खोनिनजा नामनुवा मोम्ताओ यमसि खामावा मपुवा। मेन खोनिनआ हेडहतलेन मुमा मानलि।²⁴अन्कि मोकोचिआ खोनिनजा इलाकडु मलाकता, का साडआ दि तोक्वो लोनि मोचिडा छापलाद मपाक्ताकि मोकोचिआ खोनिनओ टिट्खानचि हाडपोहाडडा महाक्ता।²⁵बुसि लेनक् लिसाओ याआडा, मोकोचिआ खोनिनजा इलाकडु मलाक्ता।²⁶नड यहुदिचिओ हेमकोपहाड लोवो खोनिनओ खायोक्छापला छापतानचिनओ याआडा।²⁷खोनिन सुट्टा मोकोचिआ हवापाड खुसावाचिजा इलाकडु मलाक्ता, अकपाडजा खोनिनओ चुच्चुलिप्पा, हाउसोजा बेडसिलिप्पा²⁸(का साम्योयडवानओ इदुम उडसाकिया लाटला लिसा, खोनिन हाआदोडमिचि सुट्टा इखिपतानचिन)²⁹नड ताखातसुकामिचिआ आनओ टाड डाडयाडसा उसओ यिडाकि खोनिनजा स्यावारि मचुवा, 'आहा! खाना माडखिम ओत्काबा, का सुमकालेनडा मेत्तो,³⁰इलाक डाडका धासाकि अहाडपाडेजा लेउए,³¹मुडसाकिया डे धियान बुबमिचिआ छाड यडवानमिसुट्टा खोनिनजा चुतमुयाडसा हाडपोहाडडा मयिडा, 'ओसाआ निचिजा डेकता, उहाडपाडजा लो डेकसि रूनिन्।³²इसाएलओ हेनकोपहाड, निनामछेन, हान इलाक डाडका धासाकि ताने, का आनकान टोक्ताकि मकतुम मुडनेने।' खोनिन सुट्टा इलाकडा लाकतिनवोचिआ छाड खोनिनओ उतनुड मचुवा। /s देकमिओ सुवालोड /s³³हवालेनक डाडका सुमकालेनकतारि झारा हाडहोनडा मुकछुलुमआ रडा।³⁴सुमकालेनकडा उसओ यिडाकि देकमि धिडोसाडलाआ पारानिन-' इलोड, इलोड, लामा सबखथानि? खाक्कोओ तुपयड ए,हेड! अडनिनाममु, अडनिनाममु, खानानिनआ देना छिराडनिन?'³⁵ओह्यात मोहयात एपवोखपडा साड साडआ ओको एनाकि मलोवा, 'खाडानुम, मोसाआ एलियाजा बुतयाड।'³⁶नड अकपाडआ लोरूकि खातनि अकटेट वाफपसा सुनहेडवाआ भेपतुकि अकटेट दडडा पाकनि उसओ यिडाकि खोनिनजा दुडसि पुवा, 'खाडडने, खाटनिडे एलिया मोसाजा वाहोप्लातसि मता हे?'³⁷मोबेन देकमिआ धिडोसाडलाआ पाराकि हाडमाड छिरानिन।³⁸मन्कि माडखिमओ टिट्छेकवा धानिडका भेन्तारि हवा दाडला लिसाकि परू।³⁹खोनिनआ उडसाकिया हाडमाड छिरानिनओ टोक्ताकि खोनिनओ बुसित एवानचिनओ खारातमिटाडआ मयिडा, 'ओचि मना ना नुचुडडे निनाममुओ सावाछा मयाआडा।'⁴⁰मोकोजा माडखाडका खाडनि युडवो माचुप छाड मयाआडा। मोकोचिओ खपडा मरियम, मग्दालिनि, का चुप्पो याकुब, नड मोचिओ मामा मरियम, का सलोमि याआडा।⁴¹मुनटोड खोनिन गालिलडा लिमानुवाडा मोबेन ओकोचि खोनिनओ देडसु लुवाओ मयाआडा, का खोनिनओ खाडओछुड मचुवाडा, निचि बद्धेका माचुप छाड खोनिन सुट्टा यरुशलेम बानाओ मयाआडा।⁴²वावाडताहिडा मोको छुमचुमओ मुयाकला, तामिनतुप सावाएमओ बुलेन लिसाओ लिहिडा,⁴³अरिमथियाओ युसुफ अकपाड सानुडमि यायोक्छा, खोक्को उहाडपाडे छाड निनाममुओ हाडहोनओ लाम खाडयाडसा मयाआडा, सापसाकनिन पिलातसओया खारूकि देकमिओ सुपोकवा मदोरा।⁴⁴नड खोनिन बुसिडे सुनिचियानिन लोनि पिलातस स्वमराक मडोट्ट, का खारात्मिटाडजा हाडपाडओया बुत्ताकि मोचि बुसिडे सुवाओ मए, हे यिडाकि खासेन मचुवा।⁴⁵मोबेन खारातमिटाड डाडका सिनला मतोक्ता नेतलोक मोचिआ युसुफजा सुपोकवा खाटसि देडहुत्वारि मपुवा।⁴⁶नड मोचिआ बाडगिट्टिखान मखिपतु, का खोनिनजा धासाकि मोको बाडखिट्टिटा रिम्ताकि थिलुडखाडा पोन्तुवाकि मेत्तुओ अकटेट सुचिनखुमडा खोनिनजा मयुडसा, का रुपाखिमओ लापटिखोमडा लुडटाक हुछुननिपुवा।⁴⁷मरियम मग्दालिनि, योसिओ मामा मरियमआ खोनिनजा युडसाओ खाम खाडनिपुडसाओ मयाआडा।

16 ¹सावाएमलेन खालेरा नेतलोक मरियम मग्दालिनि, का याकुबओ मामा मरियम, का सलोमिआ नामनुवा नुफोडचि खोनिनओ पोक्डा सोपमाजा मखित्ता।²नड एखपओ बुलेनडा वायाड ओडसाडे नामलोनिहिडा मोकोचि रुपाखिमडा मता।³नड मोकोचिआ हाडपोहाडडा मयिडा, 'साडआ आनकानओ निकि रुपाखिमओ लापटिखोमओ लुडटाक हुछुननि पुउने?'⁴नड धाक्कोलिप्पा खाडहिडा मोकोचिआ लुडटाक हुछुननि युडसाओ मतोक्ता, देनादि मोको धिटोप्पो याआडा,⁵नड सचिनखुमहुडडा वाडाकि मोकोचिआ ओमचुक सडनान हुमसाओ अकपाड मनाजा चुपचुलिप्पा युडनियुडसाओ मतोक्ता, का मोकोचिआ नाकाकता मकाडा।⁶मेन मोचिआ मोकोचिआ मयिडा,' स्वमराक मानकाडदानुम, खानाचि इलाकडा लाकताननिनओ देकमि नासरिजा अलामलुक। खोनिनओ लाहडलेन लिसाओ याआडा। खोनिन ओडा लिमानुनिन्। मोकोचिआ खोनिनजा युडसाओ खाम खाडानुम !⁷मेन खारानुम, का खोनिनओ खेनमाछाचि का पत्रुसजा खानाचिओ बुसि बुसित गालिलडा खात्वानु लोनिपुवानुम। खोनिनआ मोकोचिआ यिडानिनओ ओटनि खानाचिआ खोनिनजा अटोक्वोड।⁸नड मोकोचि लोन्ताकि सुचिनखुम डाडका मफुडसा। देनादि कुमा नड स्वमराकआ मोकोचिआ रडाओ याआडा। नड मोकोचिआ साडजा छाड ममान्तो देनादि मोकोचि कुमाकाराओ मयाआडा।⁹मेन एखपओ बुसिलेन खोनिनओ लाहडलेन मलिसा नेतलोक खोनिन बुसि मरियम मग्दालिनिओया यादारानिन, खोक्को डाडका खोनिनआ एकाटेट खालाचि लात्तानिनओ याआडा।¹⁰मोचिआ खाराकि खोनिनओ अकनिनडा युडवोचिजा मिनराक नड तुक्हुयु मुनियुडसाओ वाइदाडा यडखान मपुवा।¹¹नड खोनिन अहडसाड लिमानु, का मोकोचिओया यादारानिन लोवो दुम एनाकि

मोकोचिआ मान्याआत्ता।¹²ओको मलिसा नेतलोक सापटेनलिप्पा खात्हिडा बिनियुडसाओ मोकोचिखपड़ा हवापाडओया अलामडा खोनिन हाउसो युपाडा यादारानिन।¹³नड खोकोचि लासाकि खात्ति निचिजा मलोवा। मेन खोकोचिजा छाड मोकोचिआ मकतुम ममानचु।¹⁴नेतलोक डाडका खोनिन अकपौ ओया, मोकोचि चासि युडहिडा यादारानिन, का मोकोचिओ योकोममिन् का चुवालुडओ छाक्कोउलाजा खोनिनआ थोपतानिन, देनालो खोनिनओ लाहडलेन मलिसा नेतलोक टोककामिचिओ दुम मोकोचिआ याआत्ता ममानचु।¹⁵मन्कि खोनिनआ मोकोचिजा लोवानिन, ' झारा बुलुहुतडा खाराकि झारा साएमछामिजा सावानाम रूमरड मुवानुम।¹⁶मकतुम मुवो का हडसानवा लोकवोआ फाखालाम तोक्वोड, मेन योकोममिन मुवो खायोडवा मदोकवोन्।¹⁷नड मकतुम मुकाबाचि सुट्टा ओचि सिनछुडचि मलिवोड - 'अडनुडडा मोकोचिआ खालाचि मट्टुडवोड, का नुडवा अयडचि मोकोचिआ मचेपवोड।¹⁸मोकोचिआ पुछापचि मलाप्वोड का खाउडे नुडयि यामतोक मट्टुडा मेन्छाड खाउडे सुमतुमआ मोसाआ मोकोचिओ मायाक्सा मुवोनिन, मोकोचिआ योम्मुचिधानि छुक मयुडवोड, का मोकोचि नुसड लिनिमखात्वोड।¹⁹मोबेन उडसाकिया हाएसि देकमि मोकोचि सुट्टा चेपनिचियानिन नेतलोक सारुडथाडलेन लिसानिन का निनाममुओ चुप्पुछुक लिप्पा युडानिन²⁰नड मोकोचि लोन्ताकि खादानुछेडे रूमरड मचुवा। हाएसि मोकोचिओ साएमुकामि लिसानिन, का अकनिन - अकनिनडे मलिसाओ। सिन्हुडचिडका इदुमजा नुअछड मुलुत्तानिन। आमेन ।